

通鑑地理通釋





通鑑地理通釋卷第十

浚儀王應麟伯厚甫

七國形勢攷下

齊

管仲曰賜我先君履東至于海西至于河南至于穆
陵北至于無棣 蘇秦說齊宣王曰齊南有泰山東
有琅邪西有清河北有渤海此所謂四塞之國也齊
地方二千餘里帶甲數十萬粟如邱山三軍之良五
家之兵進如鋒矢戰如雷霆解如風雨卽有軍役未
嘗倍泰山絕清河涉渤海也臨菑之中七萬戶臣竊

度之不下戶三男子三七二十一萬不待發於遠縣而臨菑之卒固已二十一萬矣韓魏之所以重畏秦者爲與秦接境壤界也兵出而相當不出十日而戰勝存亡之機決矣韓魏戰而勝秦則兵半折四境不守戰而不勝則國以危亡隨其後是故韓魏之所以重與秦戰而輕爲之臣也今秦之攻齊則不然倍韓魏之地過衛陽晉之道徑乎亢父之險車不得方軌騎不得比行百人守險千人不敢過也秦雖欲深入則狼顧恐韓魏之議其後也是故恟疑虛喝驕矜而不敢進則秦之不能害齊亦明矣 荀卿子說齊相

曰今巨楚縣吾前大燕鱗吾後勁魏鉤吾右西壤之
不絕若繩楚人則有襄賁開陽以臨吾左是一國作
謀則三國必起而乘我如是則齊必斷而爲四三國
若假城然耳 燕王曰吾聞齊有清濟濁河可以爲
固長城鉅防足以爲塞誠有之乎蘇代對曰天時不
與雖有清濟濁河惡足以爲固民力罷敝雖有長城
鉅防惡足以爲塞且異日濟西不師所以備趙也河
北不師所以備燕也今濟西河北盡已役矣封內敝
矣 春申君說秦昭王曰齊南以泗水爲境東負海
北倚河而無後患 韓非初見秦曰往者齊南破荆

東破宋西服秦北破燕中使韓魏土地廣而兵強戰
剋攻取詔令天下齊之清濟濁河足以爲限長城巨
防足以爲塞齊五戰之國也一戰不剋而無齊 川
肯曰齊東有琅邪卽墨之饒南有泰山之固西有濁
河之限北有勃海之利地方二千里持戟百萬縣隔
千里之外齊得十二焉此東秦也

穆陵 無棣

唐志沂州沂水縣北有穆陵關郡縣志通典有穆
陵山在沂水縣北一百九十里滄州鹽山縣本齊

無棣邑

漢高城縣
典古齊境

滄州無棣縣南臨無棣溝

因爲名

漢陽信縣地
隋置無棣縣

水經注清河又東北無棣溝

出焉東逕南皮縣故城南京相璠曰舊說無棣在

遼西孤竹縣

泰山

齊世家齊自泰山屬之琅邪北被于海膏壤二千里貨殖傳泰山其陽則魯其陰則齊

琅邪

山海經云琅邪臺在勃海間琅邪之東

其北有山
注云琅邪

在海邊有山
特起狀如高臺

括地志密州諸城縣東南百七

十里有琅邪臺越王句踐觀臺也琅邪山在縣東

南百四十里始皇立層臺於山上孟子齊景公問

晏子曰吾欲觀於轉附朝舞遵海而南放于琅邪

注琅邪齊東南境上邑管子戒篇桓公將東游問

於管仲曰我游猶軸轉斛南至琅邪地理志琅邪

縣越王句踐嘗治此起館臺後漢注琅邪郡有琅

胸山縣東北子虛賦齊東階鉅海南有琅邪輿地

廣記漢琅邪縣在密州諸城縣東境初越王句踐

欲霸中國徙都於此起觀臺於山上周七里以望

東海秦始皇置琅邪郡東遊登山大樂之留三月

漢武帝亦登焉秦紀始皇

清河

漢置清河郡治清陽縣後漢省之安帝改曆曰甘

陵爲清河國治桓帝改國曰甘陵魏復故晉改甘陵縣曰清河後周置貝州宋改恩州通典春秋屬齊後屬晉七國屬趙地理志趙東有清河齊北有清河以南水經注地理風俗志曰甘陵郡東南十七里有清河故城世謂之鵲城清河又東北逕清陽縣故城西漢高帝置清河郡治此

景帝封子乘爲王

渤海

漢置渤海郡今滄棣霸濱諸州之地宋文帝置樂陵郡孝武分置渤海郡後魏改渤海爲滄水置滄州通典爲齊趙二國之境無棣縣齊境北至無棣

在此地理志齊北有渤海之高樂高城重合陽信
趙得渤海郡之東平舒中邑文安東州成平章武
河以北

臨淄

齊國都也地理志屬齊郡今青州臨淄名營邱故齊

詩曰子之營兮遭我虜囂之間兮毛詩作還臨淄

海岱之間一都會也其中具五民五方之民淄水出泰

山萊蕪縣兗州原山詩正義云今齊之城內有邱卽

營邱也淄水過其南及東以邱臨水謂之臨淄郡縣

志雪宮故趾在臨淄縣東北六里晏子春秋齊侯見晏子于雪宮括地志青州臨

淄縣卽古臨菑

一名齊城古營邱之地項羽封田都為齊王於此營邱在縣北百步

外城中天齊池在縣東南十五里齊以天齊淵名漢主父偃言齊臨菑十萬戶市租千金人眾殷富

鉅於長安通典青州千乘縣柏寢臺齊景公與晏子遊處

衛陽晉之道

張儀說楚曰秦下甲攻衛陽晉必大關天下之匈

正義衛地曹濮等州也陽晉在曹州乘氏縣西北

三十七里索隱陽晉魏邑也蓋適齊之道在衛國

之西南

魏哀王十六年秦拔陽晉秦昭王曰吾愛宋與愛新城陽晉同蘇秦說趙曰據衛

取淇則齊必入朝秦水經注陽晉城在廩邱城東南十餘里與都關為左右

亢父之險

漢縣屬東平國正義故縣在兗州任城縣今屬濟州南

五十一里漢高帝紀沛公還軍亢父光武征龐萌自將輕兵至亢父呂布攻鄆

城不能下西屯濮陽曹操曰布一旦得一州不能

據東平斷亢父泰山之道乘險要我而乃屯濮陽

吾知其無能為也魏志

襄賁開陽

二縣地理志屬東海郡賁音肥輿地廣記襄賁縣廢

入沂州臨沂縣故城在縣南開陽本鄆國春秋叔

孫州仇城啟陽是也漢避景帝諱改為開後廢入臨沂故城

在縣南水經注魯連子稱陸子謂齊湣王曰魯費之眾臣甲舍于襄賁後漢注開陽故城

在今臨沂縣北

清濟 濁河

左傳哀十一年齊伐我及清注濟北盧縣東有清亭齊語桓公正封疆地南至于餉陰西至于濟北至于河東至于紀鄆水經濟水自魚山北逕清亭東注云京相璠曰今濟北東阿東北四十里有清亭春秋所謂遇于清也水色清深馬頰水東注于清濟謂之馬頰口清濟卽此水也蔡氏曰李賢謂濟自鄭以東貫滑曹鄆濟齊青以入于海樂史謂今東平濟南淄川北海界中有水流入海謂之清

河沈氏謂濟水伏流地中東孟康曰齊西有平原

德州河水東北過高唐博州即平原也孟津號黃河故曰濁

河正義云濟漯二水上承黃河並溢青之北流入

海黃河又一源從洛魏二州界北流入海亦齊西

北界

長城鉅防

齊記云齊宣王乘山嶺之上築長城東至海西至

濟州千餘里以備楚括地志長城西北起濟州平

陰縣緣河歷泰山北岡上經濟州淄州即西南兖

州博城縣北東至密州琅邪臺入海郡國志濟北

盧縣有平陰城有防門左傳襄十八年齊禦晉平

防門巨防即有長城至東海正義長城西在濟州平陰

縣界平陰後屬鄆州竹書紀年梁惠成王二十年齊閔王

築防以為長城泰山記云秦山西有長城緣河經

泰山餘千里至琅邪臺入海郡縣志故長城首起

九里齊愍王所築輿地廣記鄆州平陰縣漢盧縣

地唐屬濟州又淄川縣古齊長城楚世家還

蓋長城以為防外紀威烈王十六年王命韓趙伐

齊入長城左傳防門注平陰城在濟北盧縣東北

其城南有防防有門世家趙人歸我長城在威王

泗水

出兗州今襲慶府泗水縣至淮陽宿遷縣入淮淮南陸

泗沂出臺
台術山名

卽墨

郡縣志故城在萊州膠水縣東南六十里本漢舊
縣田單守卽墨破燕軍盡復齊地項羽徙齊王田
市爲膠東王都此漢屬膠東北齊併入膠水隋復
置屬萊州城臨墨水故曰卽墨田肯謂琅邪卽墨
之饒顏氏云二縣近海財用所出蘇秦說趙曰齊必致魚鹽之海
戰國策齊王建入朝於秦卽墨大夫入見齊王曰
齊地方數千里帶甲數百萬三晉大夫皆不便秦
而在阿鄆之間者百數王收而與之百萬之眾使

收三晉之故地卽臨晉之關可以入矣同州朝邑縣有蒲津
關秦臨晉縣鄆郢大夫不欲爲秦而在城南下者百數
王收而與之百萬之師使收楚故地卽武關可以
入矣如此則齊威可立秦國可亡齊王不聽
河北

正義謂滄博等州在漯河之北

楚

蘇秦說楚威王曰楚天下之疆國也西有黔中巫郡
東有夏州海陽南有洞庭蒼梧北有陘塞郇陽地方
五千餘里 大王不從秦必起兩軍一軍出武關一

軍下黔中則鄢郢動矣 張儀說楚王曰秦西有巴

蜀方船積粟起於汶山浮江已下不至十日而距扞

關扞關驚則從竟陵以東盡城守矣黔中巫郡非王

之有秦舉甲出武關南面而伐則北地絕秦兵之攻

楚也危難在三月之內而楚待諸侯之救在半歲之

外此其勢不相及也 蘇代約燕王曰秦之行暴正

告天下告楚曰蜀地之甲乘船浮於汶乘夏水而下

江五日而至郢漢中之甲乘船出於巴乘夏水而下

漢四日而至五渚寡人積甲宛東下隨智者不及謀

勇士不及怒寡人如射隼矣王乃欲待天下之攻函

谷不亦遠乎楚王爲是故十七年事秦 荀子議兵
曰汝潁以爲險江漢以爲池限之以鄧林緣之以方
城然而秦師至而鄢郢舉若振槁然是豈無固塞隘
阻也哉其所以統之者非其道故也 淮南兵略訓
曰楚地南卷沅湘北繞潁泗西包巴蜀東裹郟淮潁
汝以爲洫江漢以爲池垣之以鄧林縣之以方城山
高尋雲谿肆無景 戰國策曰楚苞九夷又方千里
南有符離之塞北有甘魚之口

黔中

正義今朗州楚黔中郡漢更名武陵

今常德府

括地志

云故城在辰州沅陵縣西二十里今黔府亦其地
楚世家秦留懷王要以割巫黔中之郡頃襄王二十二年秦拔我巫黔中郡
通典黔州古蠻夷之地秦惠王欲楚黔中地以武關外易之即此是也楚辭注枉階辰陽淑浦皆在辰州

巫郡

括地志在夔州東通典夔州巫山縣楚置巫郡秦

漢爲南郡巫縣故城在今縣北巫山在西南

夏州

左傳宣十一年楚復封陳鄉取一人焉以歸謂之

夏州杜氏云州鄉屬示討夏氏所獲徐廣曰楚考烈王元年秦取

夏州裴駟按左傳注不說夏州所在車胤撰桓温

集云夏口城上數里有洲名夏州正義云大江中
州也夏水口在荊州江陵縣東南二十五里楚辭
過夏首而西浮夏水口也背夏浦而西思左傳沈尹戌
奔命於夏汭
遠射以繁揚之師會於夏汭杜氏曰漢水曲入江
今夏口也通典荊州江陵縣有夏水口左傳夏汭
也郡縣志鄂州春秋時謂之夏汭漢為沙羨東境
後漢末謂之夏口亦名魯口林氏曰莊以勤興平
以怠亡懷以愚為秦
誘頌襄以弱為秦脅

海陽

劉氏云楚之東境正義未詳楚威王六年敗越
盡取吳故地至浙江左傳楚

奄征
南海

洞庭

索隱今青草湖正義洞庭湖在岳州巴陵縣西南
 一里又有洞庭山名君山在湖中心吳起曰三苗
 氏左洞庭右彭蠡韓非初見秦曰秦與荆人大戰
 大破荆襲郢取洞庭五湖江南後漢南蠻傳云吳
 起相悼王南并蠻越遂有洞庭蒼梧

蒼梧

正義蒼梧山在道州南索隱地理志有蒼梧郡

書注文穎曰九疑山檀弓舜葬於蒼梧之野注舜

苗而死因留葬焉蒼梧於周南越之地今為郡史

記舜南巡狩崩於蒼梧之野葬於江南九疑是為
 零陵山海經南方蒼梧之邱蒼梧之淵其中有九
 嶷山注云山今在零陵營道縣南道州寧遠縣有

九疑山其山
九谿相似

陘塞 汾陘之塞

戰國策云北有汾陘之塞徐廣云春秋齊伐楚次

于陘杜氏云潁川召陵縣南有陘亭楚威王十一年魏敗楚陘山

在密縣正義陘山在鄭州新鄭縣西南三十里楚

世家魏取我陘山今按陘塞其說有三山海經有

少陘之山太平御覽謂在滎陽則正義新鄭近之

滎陽春秋爲鄭戰國爲韓蓋南北之隘道楚爲塞

以禦北方故蘇秦於韓曰南有陘山於楚曰北有

陘塞其地一也楚漢之際亦於此決勝負焉左傳

楚子庚治兵於汾注云襄城縣東北有汾邱城今

襄城屬汝州汾陘之塞蓋在汝鄭二州密縣今屬鄭州召陵

今在潁昌府鄆城縣林氏曰楚有圖北方之志其君多居

于申大合諸侯又在焉申即宛也今鄧州南陽縣社氏曰申在方

城內故言人

郇陽

漢地理志漢中甸陽縣北山甸水所出南入沔酈商攻甸關正義云漢中甸

水上之關在金州水輿地廣記金州洵陽縣後漢省晉

復置屬魏興郡按金州後漢末為西城郡魏得之改魏興

申儀為太守屯洵口水經注甸水東南注漢之洵口蜀蔣琬欲由

漢沔襲魏興今屬利州路南蔽夔峽西接梁洋為

控扼之地蘇秦所謂郇陽即洵陽也郇字通徐廣

以為順陽故城在鄧州穰縣西索隱以為新陽故城在蔡州真陽縣西南

皆非也又按楚世家懷王二十五年與秦盟黃棘

秦復與楚上庸正義括地志云今房州竹山縣及金州是頃襄王十九

年割上庸漢北地予秦正義謂割金房均三州及

漢水之北蘇代云殘均陵塞鄢隘正義均州故城在隨州西南五

里楚割上庸之明年秦拔西陵又一年拔郢趙

氏曰楚莫盛於莊盛之極衰之倚也楚與秦疆不

相下也滅庸而秦從師自莊始與吳越邈不相及

也滅舒蓼而吳越受盟自莊始孰知異時之秦拔
武關取上庸卽今日之故道異時之吳舍舟于淮
汭潛師于巢爲亡郢之張本

鄢郢

楚人對頃襄王曰秦左臂據趙之西南右臂傅楚

鄢郢膺擊韓魏垂頭中國處旣形便勢有地利正

義鄢故城在襄州率道縣今襄陽府宣城縣南九里郢城

在荊州今江陵府江陵縣東北六里秦兵出武關則臨

鄢矣下黔中則臨郢矣地理志南郡宜城故鄢左傳

王沿夏將欲入鄢注云順漢水南至鄢江陵故楚郢都楚文王自丹

陽歸州秭歸縣東有丹陽城熊繹始封徙此後九世平王城之後十

世秦拔郢徙陳郢都西通巫巴東有雲夢之饒亦

一都會也南豐曾氏曰荆及康狼楚之西山也水

出二山之閒東南而流春秋之世曰隰水左邱明

傳魯桓公十有三年楚屈瑕伐羅及隰亂次以濟

是也其後曰夷水水經所謂漢水又南過宜城縣

東夷水注之是也又其後曰蠻水酈道元所謂夷

水避桓温父名改曰蠻水是也秦昭王二十八年

使白起將攻楚去隰百里立塌壅是水爲渠以灌

隰隰楚都也遂拔之秦旣得隰以爲縣漢惠帝三

年改曰宜城宋孝武帝永初元年築宜城之大隄
爲城今縣治是也而更謂隄曰故城隄入秦而白
起所爲渠迄不廢引隄水以灌田今長渠是也胡
文定公曰荆渚江左上流也故楚子白晞歸徙都
日以富彊近并穀鄧次及漢東下收江黃橫行淮
泗遂兼吳越傳六七百年而後止此雖人謀亦地
勢使然也後逮漢衰劉表牧之坐談西伯先主假
之三分天下關羽用之威振中華孫氏有之抗衡
曹魏晉宋齊梁倚爲重鎮財賦兵甲當南朝之半
其爲江東屏蔽猶虞虢之有下陽也林氏曰江陵

郢也襄陽郢也自江陵而圖北方必經襄陽襄陽

楚之北津也屈原哀郢曰顧龍門而不見孰兩東門之可蕪注云楚都南門三門一名

龍門一名修門兩東門郢都東關有二門也呂氏

曰郢楚之別都也水經注江陵西北有紀南城楚

文王自丹陽徙此平王城之班固言楚之郢都也

汶山

地理志蜀郡湔氐道嶧山在西徼外江水所出東

南至江都入海山海經岷山輿地廣記在茂州汶

古岷山縣西北俗謂之鐵豹嶺禹之導江發跡於

此河圖括地象曰岷山之精上為井絡故泉流深遠為四瀆之首水經注岷山即瀆山也又謂之

汶阜山益州記大江始發羊膊嶺下東南至白馬嶺歷天彭關

扞關

楚世家肅王四年蜀伐楚取茲方

正義古今地名云荆州松滋縣

於是楚為扞關以距之郡國志巴郡魚復縣有扞

關

地理志魚復江關李熊說公孫述曰東守巴郡拒扞關

之口

注故基在今峽州巴山縣

正義華陽國志云巴楚相攻伐

故置江關陽關括地志陽關今涪州永安縣治陽

關城也

永安省入樂温縣

扞關今峽州巴山縣界故扞關

是

巴山省入夷陵縣

江關今夔州魚復縣南二十里江南

岸白帝城是

魚復今奉節縣

後漢岑彭傳公孫述遣將乘

枋箬下江關注云舊在赤甲城後移在江南岸對

白帝城故基

在今魚復縣南輿地廣記魚復縣故

關水經江水自關東逕弱關捍關注捍關廩君浮

夷水所置也

弱關在建平秭歸界昔巴楚數相攻

伐藉險置關以相防捍

竟陵

漢屬江夏

鄖鄉楚鄖公邑封鬬辛於此

越世家竟陵澤楚之材

也輿地廣記復州景陵縣秦白起攻楚拔郢東至

竟陵

石晉改景陵

晉竟陵郡治沔陽縣

水經注巾水西逕竟陵縣北西

逕楊水謂之巾口水西有古竟陵大城古鄖國也

郡縣志舊縣在今郢州長壽縣界竟陵大城是也

晉分江夏西部置竟陵郡後周以其地置郢復二州

汶巴

地理志蜀郡有汶江縣今茂州汶山縣水經江水自天彭

關東逕汶關而歷氏道縣北注汶出徼外嶠山西

玉輪坂下郡縣志渝州古巴國今重慶府閬白二水曲

折如巴字故謂之巴正義巴嶺山在梁州南一百

九十里西南夷傳楚威王使莊躡將兵循江上略

巴黔中以西劉伯莊云巴國在漢水上蘇代云輕舟浮于汶乘

舟出於巴謂汶江巴江也索隱汶即江所出岷山

廣記達州永陸縣有巴江今按張儀說楚謂方船積粟起於汶

山循江而下至郢三千餘里不至十日而拒扞關

蓋是時有韓魏以塞陸道故儀設水道以懼之羊祜請伐吳謂引梁益之

兵水陸俱下崔仲方論取陳謂蜀漢二江是其上
流水路衝要必爭之所彼聚兵漢口峽口則下流
諸將擇便橫渡如擁眾自衛上江水軍鼓行以前
秦以此脅楚晉以此取吳隋以此取陳然秦不取
泛江伐楚
者水道危而并
關亦難攻也

五渚

裴駟云戰國策秦破荆襲郢取洞庭五渚然則五
渚在洞庭索隱劉氏以爲五渚宛鄧之間臨漢水
不得在洞庭或說五渚卽五湖戰國策五渚韓非
子作五湖水經注

湘水沅水微水澧水凡此四水
同注洞庭北會大江名之五渚

隨

今隨州左傳漢東之國隨為大楚武王克州蓼服隨唐昭王奔隨

春申君說秦曰韓魏必攻隨水右壤戰國策云隨陽正義

楚都陳而隨故國在西南是楚之右壤呂氏曰楚武王經略

漢東之初便欲滅隨後來反以厚意結隨以為助使勿救援小國故漢東之小國盡為楚所滅而

隨獨終春秋之世林氏曰楚得隨唐而蔡鄭始懼

汝潁

左傳楚文王縣申息朝陳蔡封畛於汝郡縣志汝水出汝州

魯山縣一百五十里天息山釋例云汝出汝陽縣大孟山至汝陰襄信縣入睢晉師與楚

師夾潁而軍注云潁水出城陽至下蔡入淮郡縣志潁水出河南府潁陽縣陽乾山

淮南墜形訓汝出猛山注一名高陵山在南定陵縣汝水所出東南至新蔡

淮入

江漢

詩滔滔江漢南國之紀左傳楚漢水以為池江漢

睢漳楚之望也楚世家先王受封望不過江漢正義

荆州大江漢土地名云江經南郡江夏弋陽安豐

漢經襄陽至江夏安陸縣入江漢水出武都至江夏南入江黃氏云

江水自茂州汶山縣至通州海門縣入海漢水二

源一源出秦州天水縣謂之西漢水至恭州今重慶巴縣入江一源出大安軍三泉縣謂之東漢水

至漢陽軍入江江漢至荆州合流左傳昭王之不復杜注昭王時漢非楚竟楚武王伐隨軍於漢淮之閒吳伐楚自豫章與楚夾漢林氏曰楚一失亡

淮州來鍾離再失於亡漢
非上之罪也

鄧林

荀子曰楚界鄧地之山林淮南子注沔水上險春

君傳夫隨水右壤皆廣谷大水山林谿谷不食之

地也索隱云隨之西今鄧州之西其地多山林者

是劉伯莊曰襄州南鳳林山是古鄧祁侯之國在

楚之北一云鄧林唐朱朴議遷都曰襄鄧之西夷

漫數百里其東漢與鳳林為之關南蒞潭環屈而

流屬於漢西有上洛重山之險北有白崖聯絡乃

形勝之地沃衍之墟去秦咫尺而有上洛為之限

永無夷狄侵軼之虞林氏曰申鄧者圖鄭之道所

從出陽穀城

方城

左傳方城以為城注云方城山在南陽葉縣南郡

縣志在汝州葉縣西南十八里

左傳葉在楚國方城外之蔽也晉陽

處父伐楚以救江門于方城荀偃伐楚侵方城之外淮南子九塞荆阮方城

皆在楚地理志葉縣有長城號曰方城自起取楚

林氏曰宛在方城內葉在方城之外外有方城內

有真宛而宛葉為之表裏朱文公曰荆州地勢四

平其守當在外楚人謂方城為城漢水為池是也

水經注萬城或作方唐勒奏上論曰楚世霸南土

自越以至葉垂弘境

萬里故號曰萬城

沅湘

地理志沅水出牂柯郡故且蘭縣今播州東南至益

陽入江岳州沅江縣湘水出零陵郡零陵縣全州清湘

縣陽朔山北至鄱入江衡州衡陽縣楚辭注湘水出帝

舜葬東入洞庭下

山海經沅水出象郡 鄠城西

入東注江入下雋西

辰州沅陵 合洞庭中郭璞云湘水

出零陵營道縣陽朔山入江

郟 淮泗

地理志東海郟縣故國水經注故城在下邳縣今淮

陽軍東北一百五十里

吳自伐郟之役始見於春秋 楚人對頃襄

王曰鷹擊郟國大梁可得而有也蘇代遺燕王書

曰驅韓魏以伐齊曰必反宋地歸楚淮北又見齊

王曰有淮北楚之東國危

越世家句踐已去渡淮南以淮上地與楚楚世

家越已滅吳而不能正江淮北楚東侵廣地至泗上林氏曰吳之始圖楚也爭巢鍾離州來之三邑

蓋七十年而後取之失淮由
夫州來州來下蔡縣淮北

九夷

李斯曰惠王用張儀之計南取漢中包九夷制郢

郢索隱云屬楚之夷也戰國策張儀曰楚破南陽

九夷內沛許鄆陵危呂氏云以此考之九夷之地

略可見方孔子在陳蔡相去蓋不遠也所以有欲

居九夷之言鄭語楚蚘冒始啟濮左傳楚武王克

九種曰畎夷于夷方夷黃夷白夷赤夷玄夷

苻離之塞

宿州苻離縣漢屬沛郡爾雅莞苻離也地南臨沛

河

甘魚之口

左傳昭十三年楚公子比次于魚陂注云竟陵縣城西北有甘魚陂水經注竟陵城傍有甘魚陂史記正義竟陵故城在郢州長壽縣南百五十里長壽縣本漢竟陵縣地今復州亦是其地按戰國多以水攻故楚守甘魚之口祝氏鎰曰從人之論必曰衡成則秦帝從合則楚王蓋自方城以南武關之東秦楚之地表裏控帶

燕

蘇秦說燕文侯曰燕東有朝鮮遼東北有林胡樓煩西有雲中九原南有噤沱易水地方二千餘里南有碣石鴈門之饒北有棗栗之利此所謂天府者也秦之攻燕也踰雲中九原過代上谷彌地數千里雖得燕城秦計固不能守也秦之不能害燕亦明矣今趙之攻燕也發號出令不至十日而數十萬之軍軍於東垣矣渡噤沱涉易水不至四五日而距國都矣故曰秦之攻燕也戰於千里之外趙之攻燕也戰於百里之內夫不憂百里之患而重千里之外計無過於此者是故願大王與趙從親天下爲一則燕國必無

患矣 蘇代見燕王曰天下戰國七燕處弱焉獨戰
則不能有所附則無不重南附楚楚重西附秦秦重
中附韓魏韓魏重 張儀說燕昭王曰今趙王已入
朝澠池效河間以事秦今大王不事秦秦下甲雲中
九原驅趙而攻燕則易水長城非大王之有也 韓
非子曰燕襄王以河爲境以薊爲國襲涿方城殘齊
平中山有燕者重無燕者輕 注方城涿
之邑也

朝鮮

地理志玄菟樂浪皆朝鮮濊貉句驪皆夷殷道衰

箕子去之朝鮮

史記武王封
箕子于朝鮮

朝鮮王傳滿燕人自

始燕時嘗略屬真番朝鮮爲置吏築障秦滅燕屬
遼東外徼漢興爲遠難守復修遼東故塞至泚水
爲界樂浪縣屬燕滿東走出塞度泚水居秦故空地
上下障王之都王險地名括地志高驪平壤城本漢
樂浪郡王險城卽古朝鮮

遼東

地理志燕地東有遼東匈奴傳燕置遼東郡以距
胡通典舜營州遼水之東是也燕遼東郡秦漢因
之東通樂浪晉置平州後魏時高麗國都其地唐

置安東都護府

至德後廢

林胡樓煩

正義二胡朔嵐已北

貨殖傳燕東北邊胡周書王會有樓煩

戰國策

蘇秦說齊曰齊燕戰於桓之曲燕不勝十萬之眾

盡胡人襲燕樓煩數縣取其牛馬匈奴傳冠帶戰

國七而三國邊於匈奴

燕趙秦也

雲中九原

正義二郡竝在勝州雲中故城在榆林縣

趙雲中城秦雲

中郡也東北四十里九原在榆林縣西界漢武帝改

為五原郡

郡縣志五原謂龍遊原乞地干原青嶺原崕嵐正原橫槽原

括地志

勝州連谷縣本秦九原郡按匈奴傳趙武靈王置

雲中趙世家云地西至雲中九原

郡縣志敬本古城在中受降城

北四十里賈耽古今述曰以地理求之前代九原郡城也

噶沱

地理志虜池河自代郡鹵城縣

代州繁時縣

東至參合

雲州東至文安

霸州

入海并州川隋圖經云魏改曰清

寧河光武紀注山海經云大戲之山滹沱之水出

焉在今代州繁時縣東流經定州深澤縣

今屬祁州東

南即光武所度處今俗猶謂之危渡口

九域志在深州舊

在深州饒陽縣南至曹操因故瀆決令北注新溝

今在饒陽北禮記惡池周禮滹池正義出繁時縣

東南流經五臺山北東南流過定州入海淮南墜

形訓呼沱出魯平山名穆天子傳絕鉞山之隊北

循虜沱之陽注今
在鴈門鹵城縣

易水

地理志易水出涿郡故安縣

今易州易縣

閭鄉東至范

陽入濡亦入涑并州寢郡縣志易水在涿州歸義

縣今雄州

南二十五里

括地志一名故安河又名北易水源出易州易縣西

谷中之東南流過歸義縣東與滹沱河合趙惠文王五年與燕鄭易鄭今之莫州易漢涿郡之故安也水經注易水逕安次縣南鄭縣故城北東至文安縣與虜沱合蘇秦曰易水以南謂此水班固以為南易

碣石

地理志大碣石山在右北平驪成縣西南通典平

州盧龍縣有碣石山正義燕東南碣然而立在海旁晉

太康地志秦築長城所起自碣石在今高麗界非

此碣石也括地志在盧龍縣南二十三里史記騶

衍如燕昭王築碣石宮身親往師之正義云碣石

宮在幽州薊縣西三十里寧臺之東通典碣石山在漢樂浪郡

遂城縣長城起於此長城東截遼水而人高麗遺

趾猶存禹貢右碣石在平州南二十餘里則高麗

中為左水經在遼西臨渝縣南水中注云大禹鑿其石右夾而

納河秦皇漢武皆登之海水西侵而苞其山故言

水中山海經碣石之山繩水出焉東流注于河文

穎曰在遼西秦縣今屬臨渝始皇三十二年刻碣

石門武帝元封元年至碣石輿地廣記在平州石

城縣故驪城今按碣石在海旁鴈門有鹽澤故云

碣石鴈門之饒酈道元言驪城枕海有石如甬

道數十里當山頂有大石如柱形其山昔在河口
海濱歷世既久為水所漸淪入于海已去岸五百
餘里矣

鴈門

匈奴傳趙武靈王置鴈門郡

地理志秦置今雲應朔州

李牧常

居代鴈門備匈奴山海經鴈門之山無草木

鴈門之水

出于鴈門之山鴈出其間

注云即北陵西隃鴈之所出因以名

云在高柳北

高柳在代北故城在雲州定襄縣後改雲中縣正義山在代燕西門

水經注高柳在代中其山重巒巘東出遼塞鴈門水東南流逕高柳縣故城北舊代郡治爾雅

西隃鴈門注云即鴈門山

代上谷

匈奴傳趙置代郡燕置上谷郡正義上谷卽媯州

上谷至遼東地踔遠人民希數被寇大與趙代俗相類通典上谷易幽莫瀛媯州之地

東垣

趙攻中山取東垣輿地廣記真定府州鎮真定縣本

中山之東垣邑漢十一年陳豨將趙利守東垣高

帝攻拔之改曰真定有滹沱水正義趙之東邑在

真定縣南八里故常山城是也

澠池

在今河南府澠池縣地理志弘農黽池景帝中二

年初城徙萬家為縣水經注穀水出于峭東馬頭

山穀陽谷東北流歷澠池川漢景帝因峭黽之池

以目縣或謂之彭池穀水又東逕秦趙二城南即

趙王鼓瑟秦王擊缶處世謂之俱利城蓋云秦趙

俱利也淮南子九塞曰澠陝戰國策云澠隘之塞

秦攻商君殺之於鄭黽池時屬鄭雒陽西有穀黽翼奉曰成周右阻黽池

趙涉說周亞夫曰吳王必置閒人於穀黽陝陘之

閒王莽命王奇曰穀黽之險東當鄭衛水經注穀水又東逕新安縣故城南北夾流而西接峭黽

城又東逕于雍谷溪回岫縈紆石路阻陘故亦有

峽石之稱禹貢注澗水出澠池山郡縣志澠池縣

本韓地廣陽山一名澠池山在縣東北五十五里
穀水南去縣三百步東經秦趙二城東城在縣西
十三里西城十四里秦昭王趙惠文王會
處馮異破赤眉於峭底璽書曰奮翼黽池

長城

匈奴傳燕築長城自造陽至襄平置上谷漁陽州

檀州右北平 平州 遼西 營州 遼東郡以距胡通典麟

州銀城縣五原塞即縣北所謂光祿塞晉太康地

志自北地郡行九百里得五原塞又北出九百里

得造陽即此 韋昭云造陽地在上谷未詳孰是襄平縣遼東郡所治唐地理志安東都

護府故漢襄平城也括地志寧原慶三州秦北地郡義渠戎國之地正義馬邑長城亦名燕長城在

北 媯州 邵子曰周之同姓諸侯而克永世者獨有燕

在焉燕處北陸之地去中原特遠苟不隨韓趙魏

齊楚較利刃爭虛名則足以養德待時觀諸侯之

變秦雖虎狼亦未易加害延十五六年後天下事
未可知也 趙氏曰燕入春秋百九十年始以伯
款見經

薊

樂毅書薊邱水經注今城內西北隅有薊邱因邱
以名邑猶魯之曲阜齊之營邱唐志幽州薊縣
周武王封帝堯之後於薊燕國都薊秦屬上谷韓
廣自立爲燕王項氏封臧荼漢封盧綰爲王皆都
其地東漢立幽州前燕慕容儁自和龍徙都於此
宋宣和爲燕山府郡縣志燕山在薊州漁陽縣東

南六十里召公所封燕在幽州城取此山爲名

涿方城

應劭云涿水出上谷涿鹿縣漢涿郡涿縣廣陽郡

方城縣

後漢屬涿郡

唐涿州范陽縣本涿武德七年更

名

燕方城縣唐貞觀元年自章信城移固安縣治此屬幽州後屬涿州

水經注聖水

自涿縣東與桃水合東逕涿縣故城下與涿水合

世以爲涿水亦謂之桃水出涿縣故城西南奇溝

東八里涿水又東北逕涿縣故城西流注于桃應

劭曰涿郡故燕漢高帝六年置其南有涿水 聖

水又東逕方城縣故城李牧伐燕取方城是也王

肅曰今涿郡方城縣有韓侯城

詩韓奕曰溥彼韓城燕師所完王錫

韓侯其追其

貂奄受北國郡縣志方城故城在涿州固安縣南

十七里本燕舊邑

中山

通典定州安喜縣古中山鮮虞地

漢盧奴縣

新樂縣鮮

虞國

漢新市縣

左氏定四年傳荀寅曰中山不服

中山之名

始見

於此威烈王十二年中山武公初立

魏文侯使樂羊伐中山

郡縣志定州春秋時鮮虞白狄之國戰國時為中

山國與六國並稱王後為趙武靈王所滅中山之

地方五百里秦趙郡鉅鹿二郡之地漢高帝分置

常山中山二郡城中有山故曰中山景帝改爲中

山國封子勝爲中山王後燕慕容垂建都於此置中山尹

山郡置安州又改爲定州以安定

天下爲名隋爲博陵郡今中山府

通鑑地理通釋卷十

玉海 通鑑地理通釋卷十

浙江書局總校董紹舒分校

蔣學溥
高念曾校

通鑑地理通釋卷十一

浚儀王應麟伯厚甫

三國形勢攷上

春秋下陽不言虢虎牢不係鄭地有所必據城有所必守王公設險以守其國大易之訓也作三國形勢攷

蜀漢重鎮

通典蜀以漢中興勢白帝並爲重鎮

漢中

郡縣志後漢末張魯據漢中改爲漢寧郡曹公討

平之蜀先主破夏侯淵遂有其地爲重鎮魏延蔣

琬姜維相繼屯守唐爲興元府

治南鄭縣

黃權曰若失

漢川則三巴不振楊洪曰漢中益州咽喉若無漢

中則無蜀矣水經漢水又東黑水注之諸葛亮牋

云朝發南鄭暮宿黑水通典漢中故城在南鄭縣

東北華陽國志序秦資其富用兼天下漢祖階之

奄有四海陳孔璋曰漢中地形險固四嶽三塗皆

不及也趙開曰漢中之地後可據而安前可恃而

進胡文定公曰魏人都許不恃方城而守襄陽蜀

人都益不恃劔門而守漢中吳人都秣陵不恃大

江而守荆渚

真氏曰古之為國者必有重臣以當
闔外之寄蜀以孔明駐漢中吳以陸

遜守
荆渚

馬鳴閣道

魏徐晃傳與夏侯淵拒劉備於陽平備遣陳式等
十餘營絕馬鳴閣道晃別征破之太祖曰此閣道

漢中之險要喉咽也劉備欲斷絕外內以取漢中

寰宇記馬鳴閣
在利州昭化縣

水經注褒水西北出衙嶺山東南

逕大石門歷故棧道下谷俗謂千梁無柱也諸葛

武侯與兄瑾書云前趙子龍

雲

退軍燒壞赤崖以

北閣道緣谷一百餘里其閣梁一頭入山腹其一

頭立柱於水中今水大而急不可安柱此其窮極

不可強也又云頃大水暴出赤崖以南橋閣悉壞

時趙子龍與鄧伯苗芝一戍赤崖屯田一戍赤崖

口但得緣崖與伯苗相聞而已後魏延先退而焚

之謂是道也自後案舊修路者無復水中柱褒水又東南歷小石

門門穿山通道六丈有餘刻石言永平中司隸楊厥所開蓋因石牛道而

廣蜀都賦曰岨以石門門在漢中之西褒中之北

郡縣志褒水源出興元府褒城縣西衙嶺川褒城

本漢褒中縣褒斜道一名石牛道張良台漢王燒

絕棧道即此蔡澤謂應侯曰君相秦棧道千里通
於蜀漢類要利州馬鳴閣魏武曰此閣過漢中之
陰平乃咽
喉之要路

陽平關

通典在興元府褒城縣西北曹公征張魯至陽平魯使弟衛據陽平關橫山築城十餘里乘險夜襲破之先主進兵漢中屯陽平關姜維表後主分護

陽安關口

陽安疑即陽平

周地圖記褒谷西北有古陽平

關水經沔水又東逕白馬戍南注云澍水南逕張

魯治東水西山上庾仲雍謂山為白馬塞東對白

馬城一名陽平關

吳賀邵曰劉氏據三關之險守重山之固張瑩漢南記曰蜀有

陽平江關白水為三關

定軍山

在興元府西縣東六十里先主自陽平南渡沔水
緣山稍前於定軍興勢作營黃忠於漢中定軍山
擊夏侯淵水經注沔陽故城蕭何所築南對定軍
山諸葛武侯遺令葬其山郡縣志西縣本漢沔陽縣地十道
記武鄉谷在南鄭縣孔明受封之地

沔水 漢水

職方氏荊州其川江漢黃氏曰江水自夷陵而下為州界東流會于彭蠡漢水自房陵以下為州界東南至漢陽入江郡縣志漢水經南鄭縣去縣
一百步水經及注大江出岷山茂州東南在蜀郡氏
道縣江水出峽歷荆門江陵華容至江夏沙羨縣

鄂州

西北沔水從北來注之沔水出武都沮縣

與州今沔

東狼谷中漢水出鮒岫山沔水東南流注漢曰

沮口所謂沔漢者也

孔安國曰漢水東流為沔蓋與沔合也至漢中為漢水是

互相通稱矣

東逕沔陽

與元府

南鄭西城

金州

錫縣襄陽南

過宜城縣

襄陽府

都縣

鄂州

石城竟陵

復州

又東南與陽

口合至江夏沙羨縣北南入于江庾仲雍云沔水

南至關城合西漢水漢水又東北合沮口同為漢

水之源通典與元府金牛縣有蟠冢山禹導漾水

至此為漢水亦曰沔水顏師古云漢上曰沔李氏

曰四瀆惟江最大江發於岷逕夔荆達揚而入於

海此江之原也

易氏曰攷元和志岷山近在茂州而江源遠在西徼在松州之境

外自蜀而言江之外其水有七出於縣之神泉曰
縣水出於什邡之章洛山曰洛水分流於永康之
湔堰者湔水縣水自縣竹紫巖山逕德陽入雒
水自什邡入雒湔水逕導江崇寧九隴濛陽亦入
雒三水皆合於雒自雒逕懷安簡資富順至瀘與
江水會總曰內水發源於江油之清川逕縣潼遂
東至於合曰涪水發源於沔之青泥嶺逕大安利
閬果至合於涪水會曰嘉陵水發源於小巴嶺逕
巴蓬之伏虞西南以至於渠曰巴水出萬頃池逕

明通又至渠與巴水合曰渠水巴渠二水既合逕
廣安新明至合於嘉陵涪水會以達於渝而江始
大此七水與江別合之大略也若分流出夷中入
中國以附于江者有三曰青衣曰羊山曰馬湖青
衣出來山徑嚴道洪雅夾江而下羊山出鐵豹嶺
逕漢源出嘉定之南與青衣水合入于江馬湖自
夷都流至敘亦入于江又有出於郡邑之山澤者
則白岷峨而下泐流以至於夔不勝其眾其大者
如盛山之萬頃池則醴流有四一入于渠三入于
夔惟漢水出嶓冢與江分流由漢金趨襄至江夏

大別山始與江合此蜀眾水接連荆楚源流之大略也胡文定公曰欲固上流必保漢沔

漢樂二城

蜀志建興七年諸葛武侯徙府營於南山下原上

築漢樂二城通鑑築漢城於沔陽樂城於成固二

縣屬漢中郡沔陽今興元府西縣成固今城固縣

通典故西樂城在西縣西南武侯所立甚險固輿地

廣記城固縣水經沔水又東逕西樂城北注云在

蜀改爲樂城三十里城側有谷謂之容表谷道通益州諸葛武

侯築晉梁州刺史楊亮守之爲苻堅所敗後刺史

姜守潘猛亦居此城東容表溪注之水左有故城

憑山即嶮四面阻絕先主遣黃忠守之以拒曹公

姜維傳初先主留魏延鎮漢中皆實兵諸圍以禦外敵敵若來攻使不得入及興勢之役王平捍拒曹爽皆承此制維建議以爲錯守諸圍雖合周易重門之義然適可禦敵不獲大利不若使聞敵至諸圍皆斂兵聚穀退就漢樂二城使敵不得入平且重關鎮守以捍之有事之日令游軍並進以伺其虛於是令督漢中胡濟卻主漢壽監軍王含守樂城護軍蔣斌守漢城又於西爰建威武衛石門武城建昌臨遠皆立圍守

水經注華陽國志曰蜀以城固爲樂城縣

興勢

郡縣志洋州興道縣本漢城固縣地後魏分置興
 勢縣治興勢山上唐武德元年置洋州貞觀二十
 三年改興道縣興勢山在縣北二十里蜀先主遣
 諸葛武侯出駱谷成興勢山置烽火樓處處通照
 即此山後主延熙七年將軍王平守之魏將曹爽
 等攻不克即今興道縣通典今縣城即後魏儻城
 郡因自然隴勢形似盆緣外險內有大谷為盤道
 上數里及門水經漢水又東逕小城固南注云州
 治大城固移縣北故曰小城固城北百二十里有
 興勢坂漢水又東右會洋水

自城固南城入三百八十里距南鄭四

百八十里洋州東北至
京兆府六百四十里

駱谷 子午谷 黃金谷

唐地理志洋州興道縣有駱谷路南口曰儻谷北

口曰駱谷黃金縣有子午谷路京城前直子午谷

郡縣志儻谷一名駱谷在興道縣北三十里案駱

谷在長安西南駱谷關在京兆府盩厔縣今屬鳳翔府

西南一百二十里武德七年開駱谷道以通梁州

在今關外九里貞觀四年移於今所駱谷道漢魏

舊道也南通蜀漢魏曹爽伐蜀諸軍入駱谷三百餘里不得前進駱谷路在今洋

州西北二十里州至谷四百二十里晉司馬黃金

勲出駱谷破趙戊壁于懸鉤去長安二百里黃金

水出黃金縣西北百畝山黃金谷去縣九里其谷

水陸艱險語曰山水艱阻黃金子午魏曹爽由駱

谷伐蜀蜀將王平拒之於興勢張旗幟至黃金谷

謂此山也故鐵城在縣西北八十里城在山上險

峻故以鐵為名氏帥楊難當寇漢川令薛健據黃

金戍姜寶據鐵城宋遣梁州刺史蕭思話攻拔之

驛即子午道也舊道在今金州安康縣界梁王神念以舊

道緣山避水橋梁多毀別開乾輿地廣記駱谷路

路更行子午道即此路是也通典黃金戍在黃金縣西

通長安唐德宗僖宗幸興元皆出此北八十里張魯所築南接漢川北枕古道險固之極黃金縣乾德四年省入真

符縣洋有子午駱谷饒風關為蜀門戶國家於駱谷口置石佛堡

子午谷口置陽嶺寨西城路置渭門寨分水寨皆備禦之要魏張郃由子午欲攻漢中曹真從子午

道南入漢順帝詔益州刺史罷子午道通褒斜路注子午道平帝時王莽通之從杜陵直絕南山徑

漢中三秦記曰長安正南山名秦嶺谷名子午郡縣

志子午關在京兆府長安縣南百里王莽通子午

道因置此關魏遣鍾會統十萬餘眾分從斜谷駱

谷子午谷趣漢中晉桓溫伐秦命司馬勳出子午

道今洋州東二十里曰龍亭此入子午谷之路至

谷六百六十里唐廣德二年盜竄伏南山子午等

五谷顏氏曰今京城直南山有谷通梁漢道者名子午谷北山是子南山是午共為子午道水

經注直水北出蜀志王平傳若賊分向黃金平率

千人下自臨之水經漢水又東逕小大黃金南注

云山有黃金峭水北對黃金谷有黃金戍傍山依

峭險折七里氏掠漢中阻此為戍與鐵城相對一

城在上一城在山下險峻故以金鐵名漢中記

曰自西城涉黃金峭寒泉嶺陽都坂類要黃金縣

在州東北百三十里黃金戍在縣西北八十里薛

曰金房南蔽夔峽西接梁洋荆梁之間
一控扼也國初征蜀嘗由此以襲夔州

白帝 永安

通典夔州為蜀重鎮先主敗於夷陵退屯白帝改

爲永安其後吳將全琮來襲不克

奉節縣有白帝城本漢魚復縣

郡縣志永安宮在奉節縣東七里先主改魚復爲

永安白帝山卽州城所據也與赤甲山接初公孫

述殿前并有白龍出因號白帝城城周迴七里西

南二里因江爲池東臨瀼溪唯北一面小差透迤

羊腸數轉然後得上水經江水東逕魚復縣故城

南注故魚國左傳楚伐庸魚人逐之是也巴東郡

治白帝山城周回二百八十步北緣馬嶺接赤甲

山其平處南北相去八十五丈東西十七丈又東

傍瀼溪卽以爲隍西南臨大江吳朱績傳密書結

蜀使爲并兼之慮蜀遣閻宇將兵五千增白帝守
張氏曰武侯之治蜀也東屯白帝以備吳南屯夜
郎以備蠻北屯漢中以備魏後漢注魚復縣故城
在今夔州人復縣北

八陣圖

赤甲城是西魏改
人復唐更名奉節

郡縣志在夔州奉節縣西七里寰宇記在縣西南
七里荊州圖副云永安宮南一里渚下平磧上周
迴四百十八丈中有諸葛武侯八陣圖聚細石爲
之各高五尺廣十圍歷然棋布縱橫相當中間相
去九尺正中開南北巷悉廣五尺凡六十四聚或

爲人散亂及爲夏水所沒冬水退復依然加故盛

弘之荆州記云壘西聚石爲八行魚復縣西聚細石爲壘方可數

步行八聚聚間相去二丈因曰八陣既成自今行

師庶不覆敗八陣及壘皆圖兵勢行藏之權自後

深識者所不能了桓温伐蜀經之以爲常山蛇勢

此蓋意言之蘇氏曰八行爲六十四水經江又東逕諸葛亮

圖壘南薛氏曰圖之可見者三一在沔陽之高平

舊壘郡縣志在興元府西縣東一在新都之八陣

鄉郡縣志在成都府新都縣北十九里寰宇記在

五里武侯八陣圖土城四門中起六云稚子關北

十四魁八八爲行魁方一丈高三尺一在魚復永

安宮南江灘水上

洞當中黃龍騰鳥飛折衝虎翼握機衝陣之法本諸吳方圓牝

牡衝方罟置車輪雁行之制

蔡氏曰八陣有二一在魚復石磧迄今

如一在廣都土壘今已殘破不可考

世傳風后握機文則魚

復圖之注馬隆八陣贊又握機文之注成都圖經

云八陣凡三在夔者六十有四方陣法也在彌牟

者一百二十有八當頭陣法也在棋盤市者二百

五十有六下營法也

南市一名棋盤市武侯陣營基也

興元志西

縣亦有之則八陣凡四薛氏曰漢都肄已有孫吳

六十四陳竇憲嘗勒八陳擊匈奴晉馬隆又用八

陳以復涼州陳勰持白虎幡以武侯遺法教五營

士是則武侯之前既有八陳後亦未嘗亡也今有

馬隆握奇圖贊其傳起於風后嚴從曰武侯所習

風后五圖也桓溫云是常山蛇勢徒妄言耳常山

蛇者法出孫子謂之率然蓋高直陣也水經注沔陽定軍山

東名高平是亮宿營處營東即八陣圖也遺基杜

牧注孫子云數起於五而終於八今夔州諸葛武

侯以石縱橫八行布為方陣奇正之出皆生於此

奇亦為正之正正亦為奇之奇彼此相用循環無

窮也諸葛出斜谷以兵少但能正用六數今蓋屋

司竹園乃有舊壘司馬以四十萬步騎不敢決戰

蓋知其能也通典後魏柔然犯塞刁雍上表采諸
葛八陣之法爲平地禦寇之方後周信州舊治白
帝陸騰徙之於八陣灘北洪氏曰八陣魁六十有
四重易之卦也卻月魁二十有四作易之畫也畫
起於圓而神故卻月之形圓卦定於方以知故八
陣之體方方居前而圓居後卦自畫始方自圓生
也壁門直表曲折翼其旁則陰陽二物握奇則有
虛一之象李靖問對太宗曰六花陣法出何術靖
曰臣所本諸葛亮八陣法也大陣包小陣大營包
小營隅落鉤連曲折相對古制如此臣爲圖因之

故外畫之方內環之圓是成六花俗所號耳太宗曰內圓外方何謂也靖曰方生於正圓生於奇方所以矩其步圓所以綴其旋是以步數定於地行綴應於天步定綴齊則變化不亂八陣爲六武侯之舊法

魏重鎮

通典魏東自廣陵壽春合肥沔口西陽襄陽重兵以備吳西自隴西南安祁山漢陽陳倉重兵以備蜀廣陵

通典今之揚州春秋時屬吳左傳吳城邗溝以通

江淮是也秦屬九江郡漢屬荊國更屬吳景帝更

名江都國武帝更名廣陵國後漢為廣陵郡魏為

重鎮

文帝黃初六年征吳幸廣陵故城臨江觀兵見江濤歎曰天所以限南北也使張遼乘舟

與曹休至海陵留遼屯江都

嘉平後屬吳

孫亮建興二年使衛尉馮朝城廣陵東

晉末以廣陵控扼三齊故青兗二州刺史皆鎮於

此宋兼置南兗州治此北齊曰東廣州復曰南兗

州後周為吳州隋初為揚州又為江都郡唐初為

兗州後改為邗州又改為揚州秦氏曰凡稱揚州

者東漢指歷陽或壽春或曲阿中原自魏至周指

壽春或合肥江左自吳至陳指建業或會稽隋唐

五代乃指廣陵廣陵在二漢時爲吳國江都廣陵
 國廣陵郡宋爲南兗州北齊爲東廣州後周爲吳
 州唐初亦爲邗州其爲揚州自隋始也郡縣志廣
 陵在江都縣北四里州城正直其上大江西北自
 六合縣界流入晉祖逖擊楫中流自誓之所南對
 丹徒之京口舊闊四十餘里今闊十八里城本吳
築當吳魏時廣陵下邳九江江夏四郡邊魏皆與
魏爲交爭之地合瀆渠在江都縣東二里本吳
掘邗溝以通江淮之水路也夫差自廣陵城東南
築邗城下掘深溝謂之邗江亦曰邗溝自江東北
通射陽湖今謂之官
河亦謂之山陽濁

壽春

水經淮水東流與潁口會東北流逕壽春縣故城

西通典壽春郡後漢揚州刺史領郡六治於此魏

曰淮南郡仍揚州為重鎮毋丘儉諸葛誕為刺史

鎮於此誕城在壽春縣東一里鄧艾行陳潁已東

至壽春且田且守三國時江淮為戰爭之地其閒

數百里無復人居晉平吳其人各還本復立為淮

南兼置揚州領郡十八東晉亦為重鎮晉伏滔正

淮論云壽揚南引汝潁之利東連三吳之富吳郡

與丹陽北接梁宋平途不過七百西援陳許水陸

為三吳不出千里外有江湖之阻內保淮淝之固龍泉之

陂良疇萬頃舒六之貢利盡蠻越元帝永昌中豫

州刺史祖約自譙還鎮於此後或治江北或治江

南無定所宋義熙十一年劉義慶又鎮此齊兼置

豫州為重鎮高帝遣垣崇祖鎮壽陽謂曰壽春賊

昶兵二十萬掩至敗還高問曰永元初守將裴叔

業以城降魏後魏曰揚州梁武普通七年克之置南豫

州後降魏陳大建五年復得壽陽為豫州隋改壽

州壽春縣東晉改壽陽今縣東四十餘里宋殷琰

築四壘於此今安豐軍古壽春也其城築自楚考

烈王徙都而經始焉南北剖分為疆場戰爭之地

謝玄肥水之陽卻苻秦百萬之師劉仁瞻堅壁自
守周世宗攻之三年不能下世宗不能久處淮南
蓋仁瞻當其衝會壽州不守不可越之而有淮南
唐氏曰自古天下裂為南北其得失皆在淮南吳
不能淮南而鄧艾理之故吳并於晉陳不得淮南
而賀若弼理之故陳并於隋南得淮則足以拒北
北得淮則南不能自保矣南齊志壽春淮南一都
之會地方千餘里有陂田之饒漢魏揚州所治北
拒淮水周氏曰自晉至宋皆以壽陽為重魏寇少
至則淮泗諸郡堅守以待救援大至則發
民而歸壽陽蓋壽陽不陷則魏兵雖深入垂瓠終
憂援兵之突至又前有彭城故為守易齊既擇人

以守壽陽又有朐山在其東故守亦非難郡縣志
其地城臨淝水北有八公山在南卽淮水自東晉
至今常爲
要害之地

合肥

郡國志九江郡合肥縣後漢注故城在今廬州北郡縣志廬州

本廬子國春秋舒國之地漢分淮南置廬江郡後

漢廬江在皖建安中曹公謂劉馥可任以東南之

事以爲揚州刺史單馬造合肥空城建立州治合

肥縣西二里故城是也建安二年張遼守之孫權

帥十萬師攻圍遼以八百人破之明帝青龍元年

滿寵都督揚州諸軍鎮於此請於合肥縣西北三

十里立新城

表曰合肥城南臨江湖北達壽春賊攻圍之得據水為勢官軍救之當先

破賊大軍然後圍乃得解賊往甚易兵救甚難宜

平地而倚其權自出欲圍新城以其遠水積二十

日不敢下船乃上岸曜兵明年又至新城無功而

還諸葛恪圍城亦不克魏明帝云先帝東置合肥

南守襄陽西固祁山賊來輒破於三城之下地有

所必爭也合肥晉亦為重鎮

梁改廬州隋改廬州

合肥縣本

漢舊縣淮水與肥水合故曰合肥

應劭云夏水出父城東南至此

與淮合乾道新城記云魏築二壘於白渡港亦號

合肥城非今州城也合肥志云新城在合肥縣西

北之新城鄉何承天曰曹孫之霸才均智侔江淮

之閒不居者數百里魏捨合肥退保新城吳城江

陵移入南岸濡須之戍家停羨溪王基傳孫權再
至合肥一至江夏其後全琮出廬江朱然寇襄陽
皆無功而還

沔口

文聘傳與夏侯尙圍江陵使聘別屯沔口止石梵
自當一隊孫權以五萬眾自圍聘於石陽聘堅守
不動追擊破之通典沔口建安十五年文聘爲江
夏太守鎮焉吳軍屢攻不拔魏初有之青龍後屬
吳卽今漢陽郡輿地廣記漢陽軍漢陽縣本安陸
縣地漢屬江夏東晉置沌陽縣隋置漢津縣屬復
州改曰漢陽唐屬沔州廢屬鄂州周置漢陽軍漢

入江處謂之沔口漢末魏及吳人皆以為重鎮嘉吳

禾三年陸遜諸葛瑾屯江夏沔口晉陶侃傳王貢擊侃督護鄭攀

於沌陽又敗朱伺於沔口齊張沖傳梁王出沔口

圍魯山城郡縣志魯山一名大別山在漢陽縣東

北一百步山前枕蜀江北帶漢水漢水一名沔水

西自泂川縣界流入禹貢漢至大別南入于江蔡氏曰大別入江在今漢陽縣

水經注魯山左即沔水口沔左有郤月城荆州記沌陽縣

至沔口水北有郤月城沙羨縣治也黃祖所守祖橫兩蒙衝挾守沔口

郡縣志郤月故城在漢陽縣北三里周回一里八十步高六尺

黃祖所守處漢陽圖經云梁武帝築漢口城以守魯山三國以前多稱漢而不言沔三

國以後多稱沔而不言漢漢沔一水南都賦注曰漢水源出隴西經武都至武關山歷南陽界出沔

江

西陽 石陽

郡縣志黃州魏為重鎮黃初中吳先揚言欲攻江

北豫州刺史滿寵度其必襲西陽先為之備孫權

聞之退還西陽故城在黃岡縣東南一百三十里

輿地廣記黃岡漢縣屬江夏晉為西陽國齊置齊本漢西陵縣地

光山縣本漢西陽縣寰宇記故城西石陽故城在黃

陂縣西二十三里吳征江夏圍石陽不克而還即

此黃陂縣劉表為荊州刺史以此地當江漢之口

懼吳侵軼使黃祖於此築城鎮過因名黃城鎮後周

置黃陂縣白沙關西至大關六十里在黃州西二百四

十里北至光州界二十五里大活關東北至光州

二百八里西至安州澧山關一百里在縣北二百

里穆陵唐志作木陵關在麻城縣西北八十八里在穆陵山

上陰山關北至光州殷城縣省入固始二百里在州東

北二百十里水經江水左逕赤鼻山南又東逕西

陽郡南江也水東逕積布山南即西陽尋陽二郡界

南立弋陽郡治西陽今光州光山縣晉為弋陽郡

治黃州黃岡縣晉屬弋陽郡寰宇記晉永嘉後始移西陽置故邾城上流五里

襄陽

郡縣志襄州荆豫二州之域於周諸國則穀鄧鄠

盧羅若之地秦兼天下自漢以北為南陽郡今鄧州

漢以南為南郡今荆州後漢建安十三年魏武平荆

州置襄陽郡自赤壁之敗魏失江陵而荆州都督

治無常處吳將諸葛瑾陸遜皆數入其境自羊公

鎮襄陽吳不復入東晉僑立南雍州西魏改襄州因州南襄水

為名襄陽去江陵陸道五百里勢同輔車無襄陽則

江陵受敵自東晉庾翼為荆州刺史將事北伐遂

鎮襄陽北接宛洛跨對樊沔為荆郢之北門代為

重鎮襄陽縣本漢舊縣屬南郡在襄水之陽揚豫

都督王昶言今屯宛去襄陽三百餘里有急不足

相赴遂徙屯新野今鄧州穰縣司馬懿曰襄陽水陸之衝禦寇要地不可失也

通典魏徐晃守之蜀將關羽攻不下關羽攻樊城遣別將圍襄

陽晉庾亮曰襄陽北接宛許南阻漢水庾翼曰襄陽荆楚之舊西接益梁與關隴指斥北去洛河不

盈千里土沃田良方城險峻水路流通轉運無滯進可以掃盪秦趙退可以保據上流水經注城北

枕沔水即襄陽縣之故城胡氏曰襄陽上流門戶北通汝洛西

帶秦蜀南遮湖廣東瞰吳越欲退守江左則襄陽

不如建鄴欲進圖中原則建鄴不如襄陽欲禦強

寇則建鄴襄陽乃左右臂也後漢郡國志注荆州記曰襄陽舊楚之北

津從襄陽渡江經南陽出方關是周鄭晉衛之道
其東津經江夏出平巽關是通陳蔡齊宋之道

樊

郡縣志襄州臨漢縣本漢鄧縣古樊城仲山甫之

國也縣城南臨漢水魏曹仁處樊蜀將關羽圍樊

曾漢水暴長羽以舟師攻之故鄧城在縣東北二

十二里鄧塞故城在縣東南二十二里南臨宛水

阻一小山號曰鄧塞魏常於此治舟艦以伐吳陸

士衡表稱下江漢之卒浮鄧塞之舟謂此也輿地

廣記襄陽府鄧城縣後置樊城縣後周省唐改安

養曰臨漢復改鄧城有樊城鎮曹操救樊駐軍摩

陂摩陂在潁川邾

縣今潁昌府郟縣魏明帝改陂曰龍陂城曰龍城

祖中 沮中

吳志赤烏四年朱然圍樊諸葛瑾取祖中朱然傳

赤烏五年征祖中注襄陽記曰祖中在上黃界上黃

縣宋初屬襄陽去襄陽一百五十里魏時夷王梅敷兄弟

部曲萬餘家屯此分布在中廬宜城西山隄沔二

谷中土地平敞宜桑麻有水陸良田沔南之膏腴

沃壤謂之祖中九年復征祖中音祖郡縣志祖山在

襄州南漳縣漢臨沮縣東北一百八里朱然諸葛瑾從

沮中乘山險道北出祖中去襄陽城百五十里蓋

以地山相近因名或云司馬宣王鑿八疊山開路

於此停租

通典南漳縣有地名
租中吳朱然屯處

宋何承天曰襄陽

之屯民居星散晉宣王謂宜徙沔南以實水北曹

爽不用果亡沮中

沮中即今襄陽南沮水左右地
地理志房陵東山沮水所出至

郢入江水經注枝江縣舊
治沮中後移出百里洲

鄭獬襄州宜城縣木渠

記曰木渠襄沔舊記所謂木里溝者也出於中廬

之西山擁隰水走東南四十五里徑宜城之東北

而入于沔後漢王寵守南郡復鑿蠡水與之合於

是漑田六千餘頃至曹魏時夷王梅敷弟兄於其

地聚民萬餘家據而食之謂之租中故當時號租

中爲天下膏腴吳將朱然嘗兩提精兵爭其地不得

隴西 南安

晉志隴西郡治襄武

唐渭州縣

南安郡治獮道

唐渭州隴西縣

水經注獮道獮戎邑也漢靈帝別爲南安郡通典

渭州秦置隴西郡以居隴坻之西爲名漢分立南

安郡魏置鎮守在此鄧艾曰狄道隴西南安祁山

各當有守彼專爲一我分爲四

隴西縣漢獮道地立南安郡於此隋

改爲縣輿地廣記鞏州隴西縣本襄武縣地舊有隴西縣在襄武之東置南安郡後廢

狄道

通典蘭州魏爲重鎮蜀將姜維攻狄道不克狄道
縣秦漢舊縣宋熙寧五年置熙州

漢陽

晉志天水郡漢明改漢陽治上邽通典涼州領郡

十治於此魏爲重鎮晉分爲天水及武陽兩郡兼

置秦州領郡六治於此唐爲秦州秦國始封之邑
今郡有秦亭秦

谷是也諸葛武侯云率
益州之眾出秦川謂此

段谷

通典秦州上邽縣有段谷水姜維爲鄧艾破於此

水經注藉水又東合段溪水出西南馬門溪東北

流蘇氏曰鄧艾縋兵於蜀中非劉禪之庸則百萬之師可以坐縛

斜谷

魏曹眞以漢人數入請由斜谷伐之詔司馬懿泝漢水由西城與眞會漢中諸將或欲由子午谷或欲由武威陳羣諫曰斜谷阻險轉運有鈔截之虞漢志右扶風武功縣斜水出衙領山北至郿入渭續漢志武功縣今郿縣也有斜谷注西征賦注曰褒斜谷在長安西南南口褒北口斜白七十里其水南流西都賦右界褒斜注梁州記曰萬石城泝漢上

七里有褒谷南口曰褒北口曰斜長四百七十里
水經渭水東逕武功縣北注渭水於縣斜水自南
注之水出縣西南衙嶺山北歷斜谷逕五丈原東
郡縣志鳳翔府郿縣城亦曰斜城城南當斜谷因
以爲名五丈原在郿縣西南二十五里

陳倉

水經注陳倉縣有陳倉山在縣南十里山上有寶雞祠

今鳳翔府寶雞縣也榮氏開山圖注伏羲徙治陳倉陳倉水

出陳倉山下東南流注于渭水又東與陽溪合上
承斜水自斜谷分注綏陽溪北屆陳倉入渭諸葛

武侯與兄瑾書曰有綏陽小谷雖山崖絕重溪水縱橫難用行軍者邏候往來要道通人今使前軍斫治此道以向陳倉足以拔連賊勢使不得分兵東行郡縣志陳倉城魏太和中將軍郝昭所築武侯進兵攻距二十餘日引去今城有上下二城相

連上城是秦文公築下城是郝昭築水經注今灑水對城是與

昭相通典今縣東二十里故城是三交城在寶雞縣四十六里同

禦處馬懿與武侯相距所築西京賦陳寶鳴雞在焉秦記太白山南有陳倉山

祁山

郡縣志祁山在成州長道縣東十里長道熙寧六年屬岷州今

西和州漢水逕其南有諸葛武侯壘壘之左右猶有

豐草蓋武侯所植也

本漢上祿縣地

水經注祁山在幡豕

之西七十許里山上有城極爲嚴固漢水逕其南

城南三里有武侯故壘壘之左右猶豐茂宿草蓋

武侯所植也在上邽西南二百四十里開山圖曰

漢陽西南有祁山九州之名岨武侯表言祁山去

沮五百里有民萬戶魏牽招傳孔明在祁山遣使連

結軻比能比能至故北地石城與相首尾郡縣志

木馬山在利州景谷縣西南二十五里諸葛武侯

出祁山木牛流馬於此造作因以名之

六合掌運圖祁山堡

在西和州長道鎮圖經云祁山去秦之
天水縣三十里山圍六七里高數十丈

黎陽

漢屬魏郡水經注黎侯國也晉灼曰黎山在其南

河水逕其東今黎山東北有縣故城山在城西

憑山阻河本屬衛州端拱元年建通利軍後為濬

州有黎陽山大伾也寰宇記以為黎侯寓衛居之

故縣得名述征記黎陽城西袁譚城城南又有一

城曹公攻譚所築杜牧曰黎陽距白馬津三十里

陽縣地隋析黎陽
置五代屬澶州

官渡

郡國志滎陽有鴻溝水文潁曰於滎陽下引河東
南爲鴻溝卽官度水也後漢注官度卽古之鴻溝
在今鄭州中牟縣今屬開封府北官度口是也水經注
荑蕩渠左逕陽武縣故城南東爲官度水又逕曹
公壘北有高臺謂之官渡臺在中牟城北世又謂
中牟臺袁紹臨官渡起土山地道以逼壘公亦起
高臺以捍之卽中牟臺也今臺北土山猶在山之
東紹舊營遺基並存郡縣志官渡臺亦名曹公臺
在中牟縣北十二里裴松之
北征記曰中牟臺下臨汴水
是爲官渡袁曹壘尙存焉

白馬

後漢注縣屬東郡今滑州白馬縣也故城在今縣

東括地志白馬故城在滑州白馬山在縣東北三

十四里津與縣取此山為名水經注黎陽東岸有

故城竹書紀年梁取枳道與鄭鹿鄭鹿即是城也

今城內有故臺謂之鹿鳴臺又謂鹿鳴城郡縣志在白馬

縣北三十里王玄謨自滑臺走鹿鳴亦曰鹿鳴津又曰白馬濟津之

東南有白馬城衛文公東徙渡河都之故濟取名

焉袁紹攻劉延於白馬即此處寰宇志黎陽縣瀆州

東黎陽津一名白馬津澶州臨河縣有白馬城郡

縣志白馬故關在衛州黎陽縣東一里五步白馬津即

此地後更名黎陽津此白馬津之北岸慕容德徙滑臺至黎陽津亦合夜濟改為天橋津高齊移石濟關於此造橋改名白馬關周世宗北征命學士為文祭白馬祠秉筆者疑其所出訪於尹拙拙歷數郡國祠白馬者凡十餘處

延津

左傳注陳留酸棗縣北有延津郡國志注酸棗即

鄭廩延之地水經河水東至酸棗縣西濮水東出

焉河水又東北通謂之延津注石勒號為靈昌津又右逕滑

臺城注城即鄭廩延邑下有延津春秋傳孔悝載伯姬于平陽行于延津是也廩延南故城即

衛之平陽亭今人謂此津為延壽津郡縣志延津在衛州衛縣西二

十六里曹公遣于禁度河守延津即此地延津即

靈昌津也在滑州靈昌縣東北二十二里左傳廩

延曹公北救劉延至延津皆此津也輿地廣記開封府酸棗縣

有延津唐志衛州新鄉縣東南有故延津關衛縣

熙寧六年省為鎮入黎陽新鄉省為鎮入汲縣晉

載記石勒赴金墉濟自大場先是流澌風猛軍

至冰泮清和勒以為神靈之助命曰靈昌津

潼關

郡縣志在華州華陰縣東北三十九里古桃林塞

也左傳晉使詹嘉處瑕以守桃林之塞注云華陰縣東潼關關西一里有潼水

因以名關又云河在關內南流衝激關山因謂衝

關水經注潼激關山因謂潼關按秦函谷關在漢弘農縣即靈

寶縣陝州西南十一里故關是也今大路在北本非

衿束之要漢武元鼎三年楊僕爲樓船將軍本宜

陽人今福昌縣恥居關外請以家僮七百人徙關於新

安帝從之卽新安縣河南府東一里函谷故關是也

初平二年董卓脅獻帝西幸長安出函谷關自此

已前其關並在新安至建安十六年曹公破馬超

於潼關是中間徙於今所通典云國之巨防史官闕載今歷二

處而至河潼上躋高隅俯視洪流盤紆峻極實謂

天險河之北岸則風陵津北至蒲關六十餘里河

山之險邈逸相接自此西望川途曠然蓋神明之

奧區帝宅之戶牖通典本名衝關河自龍門南流衝激華山東故以爲名黃

巷坂在虢州閿鄉縣西北二十五里卽潼關路也

水經注河水自潼關東北流水側有長坂謂之黃

巷坂東出通謂之函谷關岸高道陜車不得方軌

魏武征韓遂馬超連兵此地今河之西有曹公壘

潘岳西征賦遡黃巷以濟潼灌水注之北流逕通

注于河述征記所謂潼谷水或說因水以名書放

呂氏曰安祿山黃巢之入長安因潼關失守

牛桃林之野注云在華山東山海經夸父之山其

三百里三秦記桃林塞在長安東四百里桃林廣圍

鄉南晉地道記漢弘農函谷關有桃林寰宇記自

陝州靈寶縣已西至潼關皆是也隋置桃林縣唐

更名靈寶縣西

南境即古桃林之野今攷古函谷關在陝州靈寶縣西南潼關在華州華陰縣自潼關至函谷歷陝華二州之地俱謂之桃林塞蘇氏曰曹公既滅二袁呂布劉表欲遂取江東而不克既破馬超韓遂欲并舉巴蜀而不果

滎陽汴水

地理志汴水在滎陽縣西南水經汴水出陰溝于浚儀縣北注陰溝即菴蕩渠也汴受旃然水丹泌亂流於武德絕河南入滎陽合汴南豐曾氏曰昔禹於滎澤下分大河爲陰溝出之淮泗至浚儀西

北復分二渠其後或曰鴻溝始皇疏之以灌魏郡
者是也或曰浪宕渠自滎陽五池口來注鴻溝者
是也或曰浚儀渠漢明帝時循河流故瀆作渠渠
成流注浚儀者是也或曰石門渠靈帝時於敖城
西北累石爲門以遏渠口者是也石門渠東合濟
水與河渠東注至敖山之北而兼汴水又東至滎
陽之北而旃然之水東流入汴滎陽之西有廣武
二城汴水自二城間小澗中東流而出濟水至此
乃絕桓溫將通之而不果者晉太和之中也劉裕
浚之始有湍流奔注而岸善潰塞裕更疏鑿以漕

運者義熙之間也皇甫誼發河南丁夫百萬開之
起滎澤入淮千有餘里更名之曰通濟渠者隋大
業之初也裴耀卿言江南租船自淮西北泝鴻溝
轉相輸納於河陰含嘉太原等倉凡三年運米七
百萬石者唐開元之際也後世因其利焉太宗嘗
命張洎論著其興鑿漕運之本末如此宋至道之
間也蘇氏曰自淮泗入河必道于汴世謂隋煬帝
始通汴入泗禹時無此水道以疑禹貢之言此特
學者考之不詳禹貢九州之末皆記入河水道而
淮泗獨不能入河帝都所在理不應爾意其必開

此道以通之其後或為鴻溝或為官渡或為汴上
下百餘里間不可必知然皆引河水而注之淮泗
也晉王濬伐吳杜預與之書曰自江入淮逾於泗
汴沂河而上振旅還都王濬舟師之盛古今絕倫
而自汴沂河可以班師則汴水之大小當不減於
今又足以見秦漢魏晉皆有此水道非煬帝創開
也薛氏曰禹貢揚州貢路自江順流入海又自淮
泗入荷沂沛入河傳謂吳王夫差始通邗溝以
禹貢考之淮南虞夏之間無水道也易氏曰揚之
貢在北者可徑達淮泗在兩者邗溝未開無道入
淮必沿江海以達淮泗至淮後山陳氏曰漢末河
泗則與徐州同貢以達于河入于汴即汴灌注兗豫永平中導汴自滎陽別而

東北至干乘入于海而河於是故瀆在新渠之南
水經注所謂絕河而受索自此始隋開皇中因漢
之舊導河于汜大業初合河索為通濟渠別而東
南入于淮而故道竭今於畿為白溝於宋為沙於
單為石梁於徐為汜而入於南清南清故泗也郡縣志

汴渠在河南府河陰縣南二百五十步本漢滎陽

縣地即古葦蕩渠河陰後屬孟州九域志汴水古通濟渠也郡縣

志汴州浚儀縣琵琶溝水西自中牟縣界流入通
濟渠隋煬帝欲幸江都自大梁城西南鑿渠引汴

水即葦岩渠也

故市 烏巢

袁氏輜重萬餘乘在故市烏巢郡縣志故市城在

鄭州管城縣西北三十里晉地理志烏巢在酸棗

縣東南水經濟瀆東逕酸棗縣之烏巢澤北注澤

在酸棗之東南酸棗本秦舊縣屬陳留郡隋開皇十六年屬滑州今屬開封府

鄧塞

郡縣志鄧塞故城在襄州臨漢縣本漢鄧縣地今鄧城縣東

南二十二里南臨宛水阻一小山號曰鄧塞昔孫

文臺破黃祖於此山下魏常於此裝治舟艦以伐

吳陸士衡表稱下江漢之卒浮鄧塞之舟謂此也

故鄧城在縣東北二十二里今按陸士衡辯亡論魏氏浮鄧塞

之舟下漢陰之眾

注水經注曰鄧塞者即鄧城東北小山因之以為鄧塞漢陰漢

水之南也莊子曰子貢南遊於楚過漢陰九域志穀城縣有鄧塞鎮

蘇氏曰項籍有取天下之才而無取天下之慮曹操有取天下之慮而無取天下之量劉備有取天下之量而無取天下之才三人者終其身無成焉

通鑑地理通釋卷十一

浙江書局總校陳

謨分校

金肇麒
汪蟾采校

通鑑地理通釋卷十二

浚儀王應麟伯厚甫

三國形勢攷下

吳之亡雖後於蜀而其亡國之兆已在於蜀亡之時
蓋吳居東蜀居西東西之勢相爲唇齒孫權之與昭
烈氣雖不相下而實相資故權以荊州借蜀而蜀亦
結好於權終老瞞之生不敢窺吳蜀惜乎昭烈纔得
荊州而孫權卽擒關羽其後魏師之入蜀不能求救
於吳而吳亦坐視蜀之亡徘徊於壽春沔中而莫能
勇於救蜀是以蜀亡而吳亦從之

吳重鎮

十鎮

通典吳以建平西陵樂鄉南郡巴丘夏口武昌皖城

牛渚圻濡須塢並為重鎮

郡縣志十鎮並為重鎮

其後得沔口

邾城廣陵胡文定公設險論曰地有常險則守亦有

常勢當孫氏時上流爭襄陽而不得故以良將守南

郡與夷陵下流爭淮南而不得故以大眾築東興與

皖口中流爭安陸而不得故以三萬勁卒戍邾城與

建平

通典歸州漢屬南郡吳置建平郡

在秭歸縣

以為重鎮

其地險固晉王濬自蜀沿流伐吳吳守將吾彥請

建平增兵若建平不下晉師終不敢過卽秭歸縣

界太清鎮在縣東南八十五里吳置以備蜀號吳

城居三峽要衝塞山蠻之路隋於此置鎮楚熊繹初都丹

陽今縣東南七里故城是也陸抗曰西陵建平國

之蕃表既處下流受敵二境晉志蜀分南郡立宜

都郡後屬吳孫休分宜都立建平郡水經注宜都郡治在夷道

縣東四百步故城陸遜所築為二江之會

西陵 峽口

通典峽州楚夷陵漢屬南郡魏武置臨江郡蜀改

為宜都吳黃武元年破蜀改夷陵為西陵常為重

鎮陸遜曰夷陵要害國之關限若失之則荊州可

憂陸抗曰西陵國之西門唐為峽州扼三峽之口

西通蜀江夷陵縣有夷山故城在縣西北吳之西陵晉復改為夷陵巴山縣古扞關楚肅王

南拒蜀處宜都縣有荆門虎牙二山狼尾灘輿地廣記郡城陸抗所築

郡縣志陸遜為宜都守鎮此蜀來伐大破之後陸

抗鎮焉西陵峽山在夷陵西北二十五里陸遜破

蜀還屯夷陵守峽口以備蜀即此荊州記曰自縣

泝江二十里入峽口名為西陵峽長二十里層巖

萬仞所謂三峽即其一也或曰巴東自有三峽此

即峽口也州城陸抗之壘也水經注夷水逕宜都

北東入大江江水東逕黃牛山又東逕西陵峽又

東逕陸抗故城北注云宜都記曰自黃牛灘東入

西陵界至峽口百許里山水紆曲三峽廣溪峽巫峽西陵峽也廣

溪為三峽之首昔禹鑿以通江所謂巴東之峽東至西陵七百里巫峽因山為名瞿塘峽在夔州奉

節縣東三里不在三峽之數自三峽七百里中兩岸連山路無闕處重巖疊障隱天蔽日吳紀

陟曰自西陵以至江都五千七百里疆界雖遠其

險要必爭之地不過數四胡文定公曰湖北要會

在荆峽故劉表時軍資寓江陵先主時重兵屯油

口關羽孫權則并力爭南郡陸抗父子則協規守

宜都晉大司馬溫及其弟沖則保據渚宮與上明

此皆荆峽封境也

辨亡論陸公以偏師三萬北據東坑注東坑在西陵步闡城東

北長十餘里陸抗所築之城在東坑上當闡城之北其迹並存荆州圖記夷陵縣南對岸有陸抗故

城周迴十里三百四十步卽山爲壙四面天險

樂鄉

通典樂鄉城在江陵府松滋縣東七十里吳建衡

三年陸抗所築後朱然修之成焉然子績爲樂鄉

督陸抗傳永安二年都督西陵建衡二年都督信

陵西陵夷道樂鄉公安諸軍事治樂鄉晉庾翼請

據樂鄉廣農穡穀以伺二寇之釁王述曰彼去武

昌千有餘里江渚有虞不相接救

水經江水又逕屏陵縣之樂鄉

城北注云陸抗所築通典馬頭故戍城在公安縣西北六十

里陸抗所屯以北對江津與羊祜相拒水經注江

津戍南對馬頭岸

南郡

通典今江陵府吳將張咸伍延守之郡縣志吳克

荊州呂蒙及朱然陸遜相繼守之晉平吳改爲南

平郡治江安今公安縣尋復爲南郡羊祜杜預繼治荆

州或鎮襄陽或鎮江陵東晉王忱始於江陵營城

府此後常以江陵爲州治唐上元元年改荊州爲

江陵府自東晉以後居建業以揚州爲京師根本

荆州為上流重鎮比周之分陝焉渚宮楚別宮今州所治即其地何承天曰吳城江陵移入南岸周

瑜領南郡太守屯據江陵南齊州郡志漢中平末

荆州刺史王睿始治江陵吳時西陵督鎮之晉平

吳以為刺史治陶侃為刺史治沌口王敦治武昌

其後或還江陵或在夏口桓温平蜀治江陵桓冲

避居上明頓陸遜樂鄉城上四十餘里以接近三

峽無西疆之虞故重戍江南輕戍江北後復得襄

陽太元十四年王忱還江陵江陵去襄陽步道五百勢同唇齒江

左大鎮莫過荆揚稱荆州為陝西胡氏曰孫皓之季慮不

及遠徹南郡之備專意下流於是杜預王濬一舉

取之

何充謂荆楚國之西門得人則中原可定失人則社稷可憂宋武帝以荆州居上流之重

資實兵甲居朝廷之半故以諸子居之不以屬人

水經注秦以漢南地置南郡周書曰南國名也南

氏有二臣爭權君弗能制南氏因分爲二南國按

韓嬰敘詩云其地在南郡南陽之閒呂氏春秋所

謂禹自塗山南省南土是郡取名焉

巴丘

通典今岳州吳爲重鎮魯肅萬彧屯於此東晉使

陶侃鎮守郡縣志岳州巴陵縣本漢下雋縣之巴

丘地

下雋屬長沙故城在今蒲圻縣界

吳初巴丘置大屯成使魯

肅守之蜀志曰西增白帝之兵東益巴丘之成巴

陵城對三江口

岷江為西江澧江為中江湘江為南江

巴丘湖又名

青草湖在縣南七十九里

周回二百六十五里俗云即古雲夢澤

水

經注巴丘山在湘水右岸山有巴陵故城本吳之

巴丘邸閣城也晉立巴陵縣於此宋立巴陵郡陶

侃以江陵偏遠移鎮巴陵

夏口

南齊志夏口吳置督將為魯口屯對魯山岸因為

名晉永嘉中荊州刺史山簡自襄陽奔夏口庾翼

為荊州治夏口並依地險也太元中桓沖移鎮上

明上表言江州刺史桓嗣宜進屯夏口據上下之

中於事爲便義熙元年劉毅以爲夏口二州之中

地居形要控接湘川邊帶澗沔請荊州刺史劉道

規鎮夏口六年自臨鄣徙治夏口城據黃鵠磯邊

江峻險樓櫓高危瞰臨沔漢郡縣志鄂州春秋時

謂之夏汭漢爲沙羨之東境吳錄黃祖爲江夏太守始於沙羨置屯

自後漢末謂之夏口亦名魯口爲吳之要害常以

重兵鎮之周瑜請精兵進駐夏口魏司馬懿曰夏口東關敵

之心喉東晉孝武時桓石仁屯守宋孝武分荆湘

江三州之八郡爲郢州以分上流之勢鎮夏口隋平

陳改爲鄂州州城本夏口城吳黃武二年城江夏

以安屯戍地也城西臨大江西角因磯爲樓名黃

鶴樓吳魯肅爲夏口督晉地理志沙羨有夏口對

沔口有津吳志赤烏二年城沙羨江夏縣本漢沙羨縣地括

地志漢水始欲出大江爲夏口又爲沔口輿地廣

記按水經注夏水本江之別出自江陵縣東南流

又東過華容縣南今石首縣又東至雲杜縣今復州沔陽縣入

沔謂之賭口冬竭夏流故曰夏水自賭口下沔水

通兼夏口而南至魯山下會于江在今江夏縣西

通典建安十三年孫權克黃祖後置兵鎮卽今鄂

州水經沔水南至江夏沙羨縣北南入于江注庾

仲雍曰夏口一曰沔口江水東至華容縣西夏水

出焉注船官浦東即黃鵠山東北對夏口城孫權

所築也依山傍江對岸則入沔津故城以夏口為

名亦沙羨縣治按水北曰沔則夏沔者江北之夏口左傳注漢水曲入江處何

尚之云夏口在荆江之中正對沔口後漢劉表傳

注夏口即今鄂州宋元徽元年夏口闕鎮以其地

居尋陽上流欲使腹心居之齊劉懷珍曰夏口兵

衝要地宜得其人薛氏曰夏口南臨大山三方阻

水漢陽以北限隔陂湖虜出上蔡則武昌夏口當

其衝

陸口

魯肅呂蒙屯陸口

陸遜代蒙至陸口呂岱還陸口

在鄂州蒲圻縣

南寰宇記曰即陸溪口也

魯肅為漢昌太守漢昌岳州平江縣吳曰吳昌

水經注練浦東合練口江浦也南直練洲江之右

岸得蒲磯口即陸口也水出下雋縣西三山溪其

水東逕陸城北又逕下雋縣北北對金城吳將陸

渙所屯也陸水又入蒲圻縣北逕呂蒙城西昔孫

權征長沙零桂所鎮也陸水又逕蒲磯山北入大

江北對蒲圻洲即蒲圻縣治也白沙口一名沙屯

南直蒲圻洲水北入百餘里吳所屯也

建安十九年孫權遣

呂蒙取長沙零陵桂陽三郡使魯肅屯郡縣志呂
巴上以禦關羽權住陸口為諸軍節度

蒙城在鄂州蒲圻縣西南八十里定荊州於此鎮

守本沙羨地吳分立蒲圻縣
本屬長沙郡隋屬鄂州

武昌

通典建安二十五年吳城武昌陸遜諸葛恪滕牧

鎮守今鄂州武昌縣東晉謝尚庾翼屯守於此郡

縣志武昌縣舊名鄂本楚熊渠封中了紅於此漢
稱王楚辭乘鄂渚而反顧

以為縣屬江夏郡吳以下雉尋陽陽新柴桑沙羨

武昌六縣為武昌郡黃武初自建業徙都還都
建業故

都城在縣東一里餘本漢將灌嬰所築晉陶侃温

嶠桓温爲刺史並治其地

嘉宅

五年以武

昌軍

晉志

武昌郡領縣七有沙羨鄂武昌三縣

沙羨今鄂州也武昌故東

鄂今州東北八十里武昌山在縣南百九十里鄂

縣有新興鐵官蓋東近興國軍界非今之鄂州也

宋志江夏郡治夏口而鄂縣隸武昌郡吳改鄂爲

武昌晉太康元年復立鄂縣而武昌如故隋廢鄂

縣入武昌水經注孫權改鄂曰武昌鄂縣徙治於袁山

東又立爲江夏郡分建業之民千家以益之黃龍

元年權遷都建業以陸遜輔太子鎮武昌孫皓亦

都之皓還東合滕牧守之晉永平中始置江州傳

綜爲刺史治此城後庾亮之所鎮也今武昌郡治

城南有袁山卽樊山也晉王述曰武昌實是江東

鎮戍之中非但捍禦上流而已急緩赴告駿奔不

難晉伐吳使王薛氏曰武昌乃吳建都而王陶温

庾之所為督府者其地襟帶江沔依阻湖山左控

廬淝右連襄漢南北二塗有如繩直胡人南牧嘗

出此襄豫章張魏公曰鄂州城東通武昌樊口

昔孫權移都武昌以拒魏師渡江而西接連川陝

中原聲援絡繹可通

下雉 陽新

下雉漢屬江夏伍被謂淮南王安曰守下雉之城

絕豫章之口郡縣志下雉故縣在永興縣東南一

百四十里永興本陽新吳分鄂縣立隋開皇九年改富川十八

年改永興水經注江之右岸富水注之水出陽新

縣之青湓山淮南李神福曰永興大縣饋運所仰

尋陽 柴桑

尋陽漢屬廬江通典漢舊縣在江北蘄州界晉温

嶠移於江洲柴桑漢屬豫章晉志有湓口關隋廢

改名湓城唐復改尋陽通典尋陽縣南楚城驛卽

舊柴桑縣也郡縣志柴桑故城今尋陽縣德

化西南二十里

皖城 皖口

郡縣志舒州今安慶府春秋時皖國後漢為皖縣屬

廬江三國初屬魏孫權征皖克之按吳志孫策與周瑜襲皖城克

之後為重鎮令諸葛恪屯戍之曹公恐江濱郡縣為權所略令內移

民轉相驚自廬江九江漸春廣陵戶十餘萬皆東

渡江江西遂虛合肥以有惟有皖城建安十九年

權征皖城克之正始權遣恪屯皖城懷寧縣

以伺邊隙四年司馬以恪退屯柴桑

本漢皖縣皖山在縣西十里皖水西北自壽州霍

山縣流入經縣北二里又東南流二百四十里入

大江謂之皖口九域志懷寧縣有皖口鎮吳塘陂在縣西二十

里皖水所注曹公遣朱光為廬江太守屯皖大開

稻田呂蒙言皖地肥美若一收熟彼眾必增於是

征皖破之此塘即朱光所開也薛氏曰吳陂堰皖水朱光呂蒙所爭皖屯也晉咸寧四年

吳人大佃皖城王渾遣應綽破之同安志城居皖水之北遂號皖城諸葛恪傳乞率眾佃廬江皖口

因輕兵襲舒

牛渚圻

郡國志秣陵南有牛渚孫策攻劉繇牛渚營周瑜

出備牛渚通典當塗縣今太平有牛渚圻亦謂之采

石輿地志牛渚山北謂之采石吳為重鎮孫皓時以何植為牛

渚督晉師來伐遣王渾向牛渚郡縣志當塗縣本漢丹陽縣地

當塗木屬九江故城在濠州鍾離縣西十七里塗

山在壽春縣東北以塗山為邑名晉分丹陽置于湖縣成帝時以江北當塗縣流人過江在于湖者僑立當塗縣牛渚山在縣北三

十五里 山突出江中謂之牛渚圻津渡處也秦始

皇東巡會稽道由丹陽至錢塘即從此渡

也 晉謝尚鎮於此采石戍在縣西北三十五里西

接烏江北連建業城在牛渚山上與和州橫江渡

相對隋師伐陳賀弼從此渡 隋平陳置貞觀初改鎮為戍 博

望山在縣西三十五里與和州對岸江西岸曰梁

山在歷陽縣南七十里 兩山相望如門俗謂天門山 山上皆有

卻月城宋王玄謨所築六代於此屯兵扞禦 王濬伐吳

宿於牛渚部分 水經注牛渚在姑孰烏江兩縣界

明日前至三山 西采石在和州歷 中 陽縣東二十里 胡氏曰昔人謂大江天所以

限南北而陸抗乃曰此守國末務非智者所先何

也杜預嘗襲樂鄉矣胡奮嘗入夏口矣賀若弼嘗
濟廣陵矣曹彬嘗渡采石矣則其險信未足恃也
雖未足恃然魏武困於居巢曹丕困於濡須拓跋
困於瓜州苻堅困於淝水皆不得渡則其險亦未
可弃也設險以得人爲本保險以智計爲先人勝
險爲上險勝人爲下人與險均纔得中策張氏曰
前世南北戰爭之際魏軍嘗至瓜步矣石季龍掠
騎嘗至歷陽矣石勒寇豫州至江而還此皆限於
江而不得騁者也周瑜謂捨鞍馬事舟楫非彼所
長赤壁之役果有成功至於羊祜之言則以南人

所長惟在水戰一入其境長江非復所用有如瑜者爲用則祜之言謂之不然可也無如瑜者爲用則祜之言不可不察也州縣一也有最爲要害者津渡一也有最宜備豫者苻堅自項城來壽陽孫恩自廣陵趨石頭王敦渡竹格蘇峻濟橫江侯景渡采石考前世盜賊與夫南北用兵由壽陽歷陽來者十之七由橫江采石渡者三之二至於據上流之勢以窺江左者尙未論也吳氏曰大江之南上自荆岳下至常潤不過十郡十郡之間其要不過七渡上流最緊者三荆南之公安石首岳之北

津中流最緊者二鄂之武昌太平之采石下流最

緊者二建康之宣化鎮江之瓜洲

葉氏曰沿江控扼要地有三太

平州之采石渡建康府之馬家渡宣化渡采石江闊而險馬家渡江狹而平兩處相去六十里皆與

和州對岸

濡須塢 濡須口

通典和州歷陽縣西南一百八十里有濡須水建

安十七年孫權築塢於此以距曹公周泰朱桓皆

為守將

二十一年曹公自來攻圍吳黃武二年魏軍又攻不拔

郡縣志濡須

塢在和州含山縣西南二十里濡須水源出巢

縣西

今無為軍縣

巢湖亦謂之馬尾溝東流經亞父山

又東南流注于江建安十八年曹公至濡須與孫

權相拒月餘權乘輕舟從濡須口入偃月塢在巢

縣東南二百八里濡須水口初呂蒙守濡須曹

公將來夾水築塢形如偃月故以為名按濡水與

和州含山縣分中流為界建安中曹公軍居巢孫

魏又遣曹仁張遼等屯居巢後屬吳朱桓濡須山

代周泰為濡須督朱然備大塢及三關屯濡須山

在含山縣西南七十五里與無為車七寶山對峙

中為石梁鑿石通水山川險阻吳魏必爭之地吳

據其北築塢濡須水即濡須水經注江水自濡須

口又東左會柵口柵水又東南流注于大江謂之

柵口水輿地志柵江口古濡須口也吳魏相持於

此吳築兩城於北岸魏置柵於南岸

今柵江裕溪當利三處皆

爲南北衝要柵江在歷陽縣西南一百五十里與無爲軍分界

真氏曰按宋書塢

小障也

孫氏之保江左邾城雖小猶屯三萬人自古立國東南以兩淮爲根本

周氏

曰魏之重鎮在合肥孫氏旣夾濡須而立塢矣又

隄東興以遏東湖又堰涂塘以塞北道然總之不

過於合肥巢縣之左右力遏魏人之東而已魏不

能過濡須一步則建鄴可以奠枕故孫氏之爲守

易葉氏曰自古保江必先固淮曹操不能越濡須

恃堅不能出渦口魏太武不能窺瓜步周世宗不

能有壽春皆以我先得淮也王氏曰三國鼎立南
北瓜分之際兩淮閒常爲天下戰場孫仲謀立塢
濡須曹操先計後戰不能爭也謝幼度師于淝上
苻堅擁眾山立不能抗也沈璞守一盱眙佛狸傾
國南向往復再攻其城不能下也吳氏曰吳據荆
揚盡長江所極而有之而壽陽合肥蘄春皆爲魏
境吳不敢涉淮以取魏而魏不敢絕江以取吳蓋
其輕重强弱足以相攻拒也故魏人攻濡須吳必
傾國以爭之吳人攻合肥魏必力戰以拒之終吳
之世曾不得淮南寸地故卒無以抗魏及魏已下

蜀經略上流屯壽春出廣陵則吳以亡矣宋何承天曰曹

孫之霸才均智伴江淮之間不居者數百里濡須之戍家停羨溪濡須在歷陽郡南百八十里羨溪

在其東三十里

東興 東關 巢湖

郡縣志巢湖在巢縣今無西五十里周迴五百里

南出於東關口東關口縣東南四十里接巢湖在

西北至合肥界東南有石渠鑿山通水是名關口

相傳云夏禹所鑿一號東興唐志巢縣東南四十里有故東關今

其地高峻險狹實守扼之所故天下有事是必爭

之地吳魏相持於此吳築城魏亦對岸置柵嘉平

四年諸葛恪於東關作大堤遏巢湖左右依山硤

築兩城使全端留略守之魏遣諸葛誕胡遵圍東

關將壞其堤恪大破之東關又在和州含山縣西九十里巢湖亦

名焦湖在廬州合肥縣東南六十四里本居巢縣

地後陷為湖今與巢縣廬江分湖為界後漢紀作

城王澄表稱蕭衍頻斷東關欲令濼湖泛溢以灌淮南諸戍諸葛武侯曰曹操

四越巢湖不成張魏公曰巢河之水上通焦湖濡

須正扼其衝東西兩關又從而輔翼之餽舟難通

故雖有十萬之師未能寇大江薛氏曰西自皖東

至揚多斷流為阻故自前世征役舟師皆出東道

如吳邗溝魏廣陵周鶴河等牽資隄水之利南北
所通行也惟廬壽一路陸有東關濡須硤石之阨
重以陂水之限最爲險要東關特東興塘濡須特
濡須水硤石蔽皖紹興
十一年劉錡至東關見其地負
山面水乃引兵據之以遏虜衝
邾城

通典今黃州東西界臨江與武昌相對郡縣志故

邾城在黃州黃岡縣東南一百二十里古邾國也

後爲楚所滅漢以吳克邾城使陸遜以三萬人城

而守之赤烏四年入晉陶侃傳議者以武昌北岸

有邾城宜分兵鎮之侃曰我所以設險禦寇正以

長江耳邾城隔在江北內無所倚外接羣夷必引
寇虜且吳時此城乃三萬兵守今縱有兵守之亦
何益於江南後庾亮以毛寶戍之果敗眞氏曰今
蘄舒黃三州之北有大山綿互八百里俗呼爲西
山邾城在山之南東晉時密迫羣夷所以不可置
戍與今不同葉氏曰孫氏以江北守江而不以江
南守江楊氏曰固國者以江而不以淮固江者以
淮而不以江薛氏曰淮東之地沮澤多而丘陵少
淮西山澤相半無水隔者獨邾城白沙戍入武昌
及六安舒城走南碇二路耳胡氏曰自古未有欲

守長安而不保淮甸者淮甸者國之唇江南者國

之齒

唐氏曰曹公以數十萬可至居巢遂巡而不能進諸葛誕以步騎七萬失利而退以濡須

東與之扼其吭也

安陸

水經注安陸城故鄖城也因岡為墉漢屬江夏

今德

安府郡縣志安陸縣城三重西枕澗水故清發水也

西北自隨州流入注于沔謂之澗口春秋吳敗楚

柏舉及清發是也雲夢澤在縣南五十里晉庾翼

欲北伐上疏移鎮安陸胡文定公曰欲固中流必

以重兵鎮安陸薛氏曰北接隨唐東橫南鄂西接

荆郢亦江漢閒一都會也

陪尾山在安陸縣今日橫尾山

沔口

漢入江處謂之沔口魏吳皆以為重鎮前見薛氏曰

上游糧餉由沔而達襄郢由湏而入安隨

廣陵

見前

涂中 涂塘

郡縣志滁州漢全椒縣地通典齊置南譙郡隋改滁州晉琅邪

王佑出涂中即此地吳赤烏十三年作堂邑涂塘

以淹北道涂水名音除漢堂邑縣屬臨淮後漢屬廣陵

九域志真州六合縣楚之棠邑也堂邑涂塘卽此

今名瓦梁河晉咸和元年議欲作涂塘以遏胡寇

祖約曰是棄我也太元四年謝石帥舟師屯涂中

滁水在全椒縣南六十里源出廬州梁縣東流經滁及六合縣至瓜步入于大江滁河在和州歷陽

縣北六十里薛氏曰滁和州六合閒有涂塘吳赤烏中

遣兵十萬斷涂作塘南唐於滁水上立清流關瓦

梁堰有東西瓦梁城晉置秦郡治六合周顯德三

年南唐何延錫建言六合西二十五里有堰曰瓦

梁水曰滁河由河而上數百里鉅細駢比合五十

四流輻湊吳堰中闕橫斷羣山回環不止魚三州

岷海四百里其實據天經而絕地緯之要者功未

就而罷景德元年毀之

瓦梁堰即涂塘也是塞滁水以為塘堰隋志六合縣

後齊置瓦梁郡

何氏曰晉之取吳二十萬耳而所出之道

六隋之取陳五十萬耳而所出之道八所出之道

多則彼之受敵者眾

吳西不得蜀北不得淮齊於秦郡置秦州前江浦

通涂水齊人以大木為柵於水中秦州即六合縣

朱氏

黼曰吳大帝築堂

邑涂塘以淹北道王浚表請攻討而司馬懿不許

諸葛恪一城東興以遏巢湖而魏之三將數十萬

之眾皆覆沒於隄下則堰水以固圍未為非策也

唐氏曰自古天下裂為南北其得失皆在淮南晉

元帝渡江迄于陳抗對北虜者五代得淮南也楊
行密割據迄于李氏不賓中國者三姓得淮南也
吳不得淮南而鄧艾理之故吳并於晉陳不得淮
南而賀若弼理之故陳并於隋南得淮則足以拒
北北得淮則南不能自保矣劉氏季裴裴曰自古守淮
莫難於謝玄又莫難於楊行密淝水之役謝玄以
八千人當苻堅九十萬之眾清口之役楊行密以
三萬人當朱全忠八州之師眾寡殊絕而卒以勝
者扼淮以拒敵而不延敵以入淮也孫仲謀以江
守江行密以淮守淮晉人以淮守江薛氏曰孫氏

割據作涂中東興塘以淹北道南朝瓦梁城塞後湖爲淵障蔽長江號稱北海大抵淮東之地沮澤

多而丘陵少淮西山澤相半無水隔者獨邾城白沙

沙戍入武昌及六安舒城走南碇二路耳古人多

於川澤之地立塘隄以遏水漑田在孫氏時盡罷

縣邑治以屯田都尉自劉馥鄧艾之後大田淮南

迨南北朝增飭彌廣今舒州有吳陂堰朱光呂蒙所爭皖屯

也陂堰廬江有七門堰劉馥斷龍舒水作巢縣有東興塘

諸葛恪作滁和州六合間有涂塘吳赤烏中遣兵十萬斷滁作塘

於其上源今梁縣界置滁陽城晉以瓦梁堰有東

爲南梁郡南唐於滁水上立清流關

梁城晉置秦郡而治六合周顯德三年南唐何延錫建言堰五十四流不止魚三州岷海四百里其

實據天經絕地緯功未天長有石梁堰源出滁州

就而罷景德元年毀之入高郵為

樊梁溪梁高郵有白馬塘塘阻三阿溪謝玄破都

置涇州業揚州有召伯埭謝安堰艾陵湖李孝逸破李敬

處揚州有召伯埭作新城在其上裘塘屯建武五

年遏艾楚州有石鼈塘鄧艾作荀射陂漢舊洪澤

陵湖立唐大曆二年與射陽湖並淮陰有白水屯盱眙

陂置官屯射陽湖即射陂也

有破釜塘鄧艾立白水塘與破釜相連開入水門

安豐有芍陂即孫叔敖所作物思陂漢王景魏劉

水西自六安北界驕虞石東自濠固始有茹陂劉

州之南橫石水皆入焉灌田萬頃

是皆古人屯田遏水之迹其餘不可詳記大要

六安以東有芍陂之險鍾離以東無非湖濁之地
西自皖東至揚則多斷流爲阻故自前世征役舟
師皆出東道如吳邗溝魏廣陵周鶴河等率資隄
水之利南北所通行也惟廬壽一路陸有東關濡
須硤石之阨重以陂水之艱東關恃東興塘濡須
恃濡須水硤石蔽皖
淮南有兩硤石此桐城南
硤也壽春硤石在淮水上最爲險要然聞芍陂可
以灌壽淝水可以灌廬南唐何敬洙嘗復諸塘不
克

通鑑地理通釋卷第十二

浙江書局總校張大昌分校
汪蟾采校
汪熙菱校